











শ্রী ১০৩২

# গুপ্ত বন্দাবন ।

---

শ্রীপ্রিয়নাথ পালিত এম্, এ, বি, এল,  
বিরচিত ।

---

শ্রীঅক্ষয়কুমার সেন দ্বারা প্রকাশিত ।

---

“ প্রভবতি শুচিমনির্বিষোদ্‌গ্রাহে ন চ স্নদাং চর । ”

---

হিন্দুপ্রেস,

৬১ নং আহীরীটোলা ষ্ট্রীট,—কলিকাতা ।

শ্রীমহেন্দ্রনাথ দে দ্বারা মুদ্রিত ।

বঙ্গাব্দ ১২৯৭ ।



## বিজ্ঞাপন ।

অধুনা যদিও এইরূপ শত শত নাটক রচিত হইয়াছে, তথাপি আমি বহু যত্নে এই ক্ষুদ্র পুস্তকখানি রচনা করিয়া, জনসমাজে নীত করিলাম । এখন এই খানি সাধারণ সমক্ষে অভিনীত হইলেই আমার সকল শ্রম সার্থক হয় ।

পরিশেষে কৃতজ্ঞতার সহিত স্বীকার করিতেছি যে আমার প্রিয়বন্ধু শ্রীযুক্ত বাবু অক্ষয়কুমার সেন এই নাটকের অধিকাংশ সংশোধিত ও পরিবর্দ্ধিত করিয়া এবং ইহার যথা স্থানে কয়েকটা গীত সন্নিবেশিত করিয়া আমাকে নাতিশয় আনন্দিত করিয়াছেন ।

ধর্মতলা স্ট্রীট, কলিকাতা ।

বৈশাখ, সন ১২৮৫ ।

শ্রীপ্রিয়নাথ পালিত ।

---

## দ্বিতীয়বারের বিজ্ঞাপন ।

প্রথমবারের মুদ্রিত পুস্তক সমুদয় একেবারে নিঃশেষিত হওয়াতে, এবং দেশ বিদেশীয় গুণগ্রাহী গ্রাহক মহোদয়গণ পুস্তক প্রাপ্তির জন্ত পুনঃপুন প্রার্থনা করাতে, ইহা পুনর্বার মুদ্রিত ও প্রকাশিত হইল ।

কলিকাতা ।

আশ্বিন, সন ১২৯৭ ।

শ্রীঅক্ষয়কুমার সেন ।

---





## নাট্যোল্লিখিত ব্যক্তিগণ ।

### পুরুষ ।

নফর বাবু	...	...	এক জন ধনাঢ্য ব্যক্তি ।
ব্রজেন্দ্র	...	...	নফরের পুত্র ।
কালি ও	}	...	নফরের ইয়ারদ্বয় ।
যহুবাবু			
গোমিশ্	...	...	একজন বিলাতের ফেরৎবাবু ।
জগন্নাথ ভট্টাচার্য	...	...	নফরের আশ্রিত ব্রাহ্মণ ।
রতন	...	...	নফরের সরকার ।
নারাণে	...	...	একজন খানসামা ।
ভর্তু	...	...	নফরের ভৃত্য ।

### স্ত্রী ।

বিন্দু	...	...	নফরের স্ত্রী ।
কামিনী	...	...	ব্রজেন্দ্রের স্ত্রী ।
সরলা	...	...	জগন্নাথ ভট্টাচার্যের স্ত্রী ।
সারী	...	...	বিন্দুর পরিচারিকা ।

ডাক হরকরা, পাহারাওয়ালী, দাসী, নাপ্তিনী প্রভৃতি ।

---



# গুপ্ত বন্দাধন ।

প্রথম অঙ্ক ।

প্রথম গর্ভাঙ্ক ।



( কলিকাতা । নফর বাবুর বৈঠকখানা । )

নফর বাবু ও জগন্নাথ আসীন ।

নফর । তবে ভট্টচাঁয় মহাশয় ! কালই যাওয়া শ্রেয় ?

জগ । আজ্ঞে, কাল অতি উত্তম দিন, মাঘমাসের সংক্রান্তি, অষ্টমী, তা মারের বাড়ী যাবার দিনই বটে ।

নফর । তবে কালই যাওয়া ষাগ, কারণ বৌমা আবার কবে বাপের বাড়ী যান, ওঁকে ত নিয়ে যেতে হবে ।

জগ । বৌমা এত সীত্র যাবেন কেন ? এই সে দিনে না এসেছেন ?

নফর । আমার ব্যাই মশায় আবার বলে পাট্বেছেন যে এখন নতুন নতুন বড় অধিক দিন যেন না রাখা হয় । ছেলে মানুষ কাঁদবে টাঁদবে ।

জগ । হাঁঃ! এখনকার মেয়েরা কি আবার কাঁদে মশায়, আপ্নিও যেমন !

নফর । আবার তিনি বলেন যে আবার কামিনী ( কামিনী আমার বৌমার নাম ) ঘরে না থাকলে আমার ঘর যেন ভেঁা ভেঁা করে ।

জগ । তাঁর যদি এমন মনে হয় তবে তিনি কতবার বিবাহ দিয়েছিলেন কেন ? ঘরে রাখলেই ত হতো । তিনি যদি লেখা পড়া না জানতেন তা হলে আর বিবাহিতা কতাকে শ্বশুরবাড়ী রাখতে অমত করতেন না ।

নফর । দেখুন তবু আমি মেরে কেটে দিন পনের রেখিচি ।

জগ । মশায় ! কথাই আছে, স্ত্রীলোক ছেলে বেলাই বাপ মার কাছে থাকবে তার পর বড় হলেই শ্বশুর বাড়ী ঘর করবে । আমাদের একটা লোক আছে যে গো— মরু ছাই মনেও পড়ে না । ( নস্য গ্রহণ )

নফর । ( স্বগত ) তোমার শ্রীপঞ্চমীর সঙ্গে মুখ দেখাদেখি নেই তা আমি বিলক্ষণ জানি । ( জগন্নাথের প্রতি ) কেন মনে পড়বে না কেন ? এই যে—

“ শিশুকালে পিতা মাতা যুবাকালে পতি ।

বৃদ্ধকালে পুত্র বিনে আর নাই গতি ॥ ”

জগ । হাঁ হাঁ ঐ বটে । ( নস্য গ্রহণ । )

নফর । তবে কাল কি কি চাই তার একটা কর্দ কর্দ হবে ।

দ্বগ । যে আজ্ঞে খানিক বাদেই এনে দিচ্ছি ।

[ জগন্নাথের প্রস্থান ।

নফর । এই ভর্তু ! রতনকো বোলাও ।

নেপথ্যে । রতন বাবু ! তোম্বকো বাবু বোলাতা হয়র ।

( কলম হস্তে রতনের প্রবেশ । )

নফর । তোমার তফিলে এখন কত টাকা আছে ?

রতন । বড় বেশী হবে না টাকা আঠারো আছে ।

নফর । তা দেখো যেন ও থেকে আর খরচ করো না ।  
আমার কাল চাই ।

রতন । কবে কালই কালিঘাটে যাওয়া হচ্ছে ?

নফর ।; হাঁ ! তোমাকেও সঙ্গে যেতে হবে ।

রতন । যে আজ্ঞা, আমি এখন ধোপার হিসাবটা মিটিয়ে  
আসি ।

[ রতনের প্রস্থান ।

( যদু ও কালি বাবুর প্রবেশ । )

নফর । আস্তে আজ্ঞা হোক । অনেক দিনের পর যে ?

যদু । আর এই ডেস্ক টেস্ক হয়েছিল, তাই আস্তে  
পারিনি বাবা । এখনও শরীরের ব্যাথা মরেনি ।  
কি ভয়ানক ফিবার !

নফর । ( কালির প্রতি ) আচ্ছা কালি বাবু ! ওঁর যেন ডেস্ক  
হয়েছিল, তোমার ? তুমি কি আমাদের হুসে টুলে  
গেছ নাকি ?

কালি । কি ! আমি ভুলে গেছি ?

Doubt, that the stars are fire ;

Doubt, that the sun doth move ;

Doubt truth to be a liar ;

But never doubt, I love.

নফর । এই যে সেক্সপীয়ার পড়েছ, বাঃ !

কালি । বাবা ! ব্রাউন্স সাহেবের কাছে পড়া হয়েছে আর  
কাকর কাছে নয় । লিটারেচরে বিশ্লেষণ টুন্টনে ।

নফর । তবে কালি বাবু ভাল আছেন ত ?

কালি । Scarce half I seem to live, dead more  
than half.

নফর । কেন হে, ব্যাপার খানা কি ?

কালি । ( অধোবদনে চুঃখিত ভাবে স্বগত ) আর ব্যাপার-  
খানা কি, অন্তর্ধামীই জানছেন ।

যহু । আর তাই ! বড় চুঃখের বিষয় হয়ে গেছে । দিন  
আঠেক হলো ঠাঁর স্ত্রী গত হয়েছেন ।

নফর । ( বিস্মিত হইয়া ) অঁগা সে কি ! কি হয়েছিল ?

কালি । ব্লাক্‌কিবার—

নফর । তাই ত হে । এরই মধ্যে গৃহশূন্য হলো !

কালি । “স্বক্ষ্মমূলে চ দয়িতা যত্র তিষ্ঠতি তদগৃহং ।

প্রাসাদোপি তয়া হীনঃ কান্তারাদতিরিচ্যতে ॥”

( অক্ষপাত )

যহ্ন । আর যাগ্ যাগ্ ও সব কথা আর মনে কেন ভাই ?  
তুমি ত জ্ঞান সংসার অনিত্য ।

“কা তব কাস্তা কস্তে পুত্রঃ সংসারোহয়ম-  
তীব বিচিত্রঃ । কশ্চ ত্বং বা কুত আয়াতঃ  
তত্ত্বং চিন্তয় তদিদং ভ্রাতঃ ॥”

কালি । না আর মনে করবো না । আমাদের বেশ আমোদ  
চলছিল ।

নফর । কালি বাবু ! ঈশ্বরের মনে যা ছিল তা হয়েছে ।  
তবে—তোমরা যে বেশ সংস্কৃত জ্ঞান দেখছি ।

যহ্ন । বাবা ! আমরা নরেন্দ্রকৃষ্ণ পণ্ডিতের কাছে সংস্কৃত  
পড়েছি । আহা তাঁর যে পড়াবার ভঙ্গিমে ! হাত  
মুখ নেড়েই অর্ধেক বুঝিয়ে দিতেন । আর ব্যাকরণের  
দুই একটা কোশ্চেন্ জিগেস করলেই পণ্ডিত বলে  
উঠতেন—ওহে বাপু তোমরা কি আমার তাড়াবে  
নাকি ?

নফর । বটে ! (হাস্য) ওহে কাল কালিঘাটে যাওয়া যাচ্ছে  
তোমাদের যেতে হবে ।

যহ্ন । আর কেন বাবা ! শাপ কর । এই সবে জ্বর থেকে  
উঠিছি ।

নফর । তা বললে হবে না, বেতেই হবে ।

কালি । আমাকেও টান্চ নাকি ?

নফর । বিলক্ষণ ! তোমাকে আগে চাই । কালি না হলে কি



- কালিষাট মানায় ? A kingdom without a king !  
 কালি । তবে আমাদের রসদ চাই বাবা ।  
 নফর । তা হবে বৈ কি । তা নইলে কোন্ শালা যাবে ?  
 যহু । আরে আজ কাল ওয়াইন উওমেন্ ছাড়া কি আর  
 কালিষাট আছে ? কালিষাট পার্টি হলেই ও দুটো  
 অণ্ডারফুড, তাও জান না ?  
 নফর । না হে উওমেন্টা হবে না, কারণ কাল বাড়ীর  
 মেয়েরা যাচ্ছে ।  
 কালি । তবে বাবা আমি নেই । I want that elixir  
 তারই সঙ্গে উওমেন্ ।  
 যহু । আরে তা বৈকি নফর বাবু ! ওয়াইনের দোছট্ সঙ্গে  
 যাবে না ? কি বাবা ! এত দিন মদ খেয়ে শেষে মদের  
 অপমান ! এ বাবা তোমার ধর্মে সবে না তা বল্চি ।  
 দেখ তোমার শীর্ণের ভরাডুবি হবে ।  
 নফর । না বাবা আমাকে মাপ কর, কাল খালি ওয়াইনেতেই  
 সান্তে হবে ।  
 যহু । আচ্ছা আচ্ছা তাই হবে ।  
 নফর । তবে কাল সকালে আসূছ তাই ?  
 যহু । O Yes must ! ( স্বগত ) নিতাস্ত নিরিমিষ ত নয়  
 সঙ্গে মেয়ে মানুষত আছে ।

( সারীর প্রবেশ । )

সারী । বাবু ! একাবর বাড়ীর মধ্যি উঠে এছন ।

কালি । ( নফরের প্রতি ) আরে যাও যাও তলব্ হয়েছে ।

নফর । তবে তোমরা একটু বস্বে কি ?

কালি ও যহু । না আমরা যাই এখন Good evening .

নফর । আচ্ছা Good evening .

[ উভয়ের প্রশ্নান ।

সারী । তোমার বিয়াই বাড়ী হতি নোক এয়েচে আজই  
বৌ মাকে নিয়ে যেতি চায় ।

নফর । বাঃ আমি কাল কালিঘাট যাব ! চ দেখি আমি  
বাড়ীর ভেতর যাচ্ছি ।

[ উভয়ের প্রশ্নান ।

## দ্বিতীয় গর্ভাক্ষ ।

:( নফর বাবুর অন্তঃপুর । )

বিন্দু, সানী ও দাসী আসীনা ।

দাসী । তবে মা ! তশু' দিন পাঠিয়ে দিও । কেন বলি মা ?  
আমাদের ছোট দিদিমুনি ঘরে না থাকলে ঘর যেন  
অন্দকার হয় ।

বিন্দু । তা আচ্ছা না ! তশু'ই পাঠিয়ে দেব, কর্তা বাবুও  
বলে গেলেন শুন্লে ত ? আমার পূজ মানৎ আছে  
তাই মা ! কাল একবার ময়লা ঘাটে যাব ।

দাসী । মা ! কালি নাম ধর্তে পারনি কেন মা ?

সারী । ওঁর শাউড়ীর নাম যে, কেমন করে আর ধরবেন ?  
 হ্যাঁগা ! তোমাদের মেরেকে নিয়ে যাবার জন্তে এত  
 তাড়াতাড়ি কেন গা ?

দাসী । ওগো ভা জাননা ? তোমার বৈএর ঠাকুরদাদা এই  
 এ পেয়েছেন—ঐ যে কি ভাল বলে অনেক দিন  
 কুটি বেকলে যা পায়—

সারী । ও প্যান্সিল পেয়েছেন বুঝি ?

দাসী । (হাস্য করিয়া) হ্যাঁগো হ্যাঁ ! ও সব পোড়া কি  
 আমাদের মনে থাকে ? তাই তিনি বল্লেন্ কবে আছি  
 কবে নেই একবার বিন্দাবনে গোবিন্দ দর্শন করে  
 আসি । তিনি তেশ্রা বেকবেন কিনা তাই একবার  
 যাবার সময় ল্যাঁতিনের সঙ্গে দেখা করে যাবেন,  
 শুনলে ?

বিন্দু । তেশ্রা বেরোবেন্ তবে ত আস্চে বুধবার । তা  
 দেখে যাবেন বৈকি, দেখে যাবেন না ?

দাসী । তবে ঐ কথা রৈল এখন আসি মা ।

বিন্দু । হ্যাঁ তবে এস ।

দাসী । (সারীর প্রতি) আমাদের দিদিমুনিকে এক  
 বার ডেকে দাও না বোন্ ! তাঁকে একবার  
 বলে যাই ।

সারী । তোমার দিদিমুনি কোথায় খেলাচ্ছেন্ বুঝি, যাই  
 ডেকে আনি ।

[ সারীর প্রস্থান ।

বিন্দু। ঝি ! তুমি বিগ্নানকে বোলো আমি দিন পনের  
বাদে আবার নিস্নে আস্বো। ( নেপথ্যে মলের  
শব্দ ) ঞ্ বোমা আস্বছে, বোমা আমার  
লক্ষ্মী গো।

( সারী ও অবগুণ্ঠনবতী কামিনীর প্রবেশ  
ও সকলের উপবেশন । )

দাসী। দিদিমুনি ! তবে আমি আসি এখন ? তোমাকে  
পশুই নিস্নে যেতুম্ তা মাসের পৈলে ত যেতে নেই  
তাই তশু দিনে একেবারে পাঁচটার সময় পাল্কি  
নিস্নে আস্বো। ( কামিনীর অমুচ্চস্বরে ক্রন্দন )

বিন্দু। ওমা কাঁদ কেন বাচা ? এই ঘর ছেরকাল কর্তে হবে,  
তা কাঁদতে আছে ? বাপের বাড়ী ত পাঁচ দিন, আর  
তুমি নিতাস্ত ছোট্টা নও শত্বরের মুখে ছাই দিস্নে  
ডাগর ডোগোর হয়েচ।

দাসী। কাঁদিস্নে বোন, ( কামিনীর কাণে কাণে বলিয়া  
বিন্দুর প্রতি ) তবে এখন আসি মা, রাত হয়।

[ দাসীর প্রস্থান ।

সারী। ওকি বোদিদি ! কাঁদতে আছে কি, কান্না কি ? আজ  
কালের মেয়েরা কি খস্বর ঘর কর্তে কাঁদে পা ?

বিন্দু। ( কামিনীকে ক্রোড়ে বসাইয়া ) দেখ বোমা ! কাল  
সকালে সেইখানে যাব—

সারী। কালিঘাটে—

বিন্দু । হ্যা—যাব, তা তোমাকে বাজ্ঞো, পুঁতুল, পট  
কিনে দেবো ।

সারী । তা বেস্তো, গুঁর যা যা দরকার হবে  
উনি আমাকে বলবেন, আমি সব কিনে এনে  
দেবো ।

বিন্দু । সারী ! তুই একটু বৌমার কাছে বোনু আমার  
কাজ আছে । বেজো আবার এখনও ফিরে  
এলোনা—

সারী । তিনি কোথায় গেলেন ?

বিন্দু । ঐ যে কি বেন্দুসভা না কি বলে—সেইখানে যায় ।  
সেখানে আবার মেয়েরাও না কি যায় শুনিচি ।

[ বিন্দুর প্রশ্নান ।

সারী । ( কামিনীর অবগুণ্ঠন খুলিয়া ) দেখি দেখি ও মা !  
কৈঁদে কৈঁদে যে একবারে মুখ টুক ফুলে গেচে । এই  
যে মুখট একবারে সিঁদুর পারা হয়ে গেচে !

কামিনী । ( অমুচ্চ স্বরে ) ঝি ! কাল কখন যাবে গা ?

সারী । কেন সন্ধ্যালেই যাব, যেরে আবার আজিগঙ্গায় চান  
কর্ত্তি হবে কি না ।

( নেপথ্যে জুতার শব্দ )

সারী । ( ব্যস্ত হইয়া ) ঐ দাদা বাবু বুঝি এস্চেন পালাই  
মা ! ( গমনোচ্ছতা )

কামিনী । ( সারীর অঞ্চল ধরিয়া ) ঝি ! যেওনা যেওনা  
একটু বসো না ।

সারী । না বাবা ! দাদা বাবু আবার বেজার হবেন ।

[ সারীর প্রশ্নান ।

কামিনী । ( চতুর্দিক অবলোকন করিয়া স্বগত ) আঃ ! আর এই দুটো দিন কেটে গেলে বাঁচি । বাবা ! মেয়ে হওয়া কি যন্ত্রণা । শ্বশুরবাড়ী ত নয় এ যেন যমের বাড়ী । এখান থেকে বেড়তে পাল্লে বাঁচি । আমার মা আমার জন্তে কত ভাব্চে । বাবা রঘুনাথ ! তোমায় সেখানে গে পাঁচসিকের সন্দেশ ভোগ দেবো—

( হঠাৎ ব্রজেন্দ্রের প্রবেশ । )

ব্রজ । এখানে মা ছিল না ?

কামিনী । ( হস্ত নাড়িয়া ) না ।

ব্রজ । আঃ ! এখানে আর কেউ নেই ভাল করেই কথা কওনা ছাই । এতো ভাল লজ্জা দেখ্চি এব । দেখ এ লজ্জা আবার থাক্লে বাঁচি । আর কিছু দিন বাদে আমরা আবার তোমাকে দেখে পালাব ।

কামিনী । আঃ ! তাইত বল্চি, না ।

ব্রজ । ( কামিনীর অবগুষ্ঠন খুলিয়া ) একি ! মুখ এত লাল কেন ? কান্না হুস্থিল বুঝি ? এই যে মা তোমাকে আবার নিতুর পরিয়ে দেচে ! ওটা মিচি মিচি পরিয়ে কি হয় ? তুমি পুঁচে ফেল, আমার কথা শোন বল্চি ।

কামিনী । আমাকে বক্বে তা হলে, পুঁচো না ।

ব্রজ । আরে মেয়ে মানুষের বুদ্ধি নেই তাই বকে । আমি পুঁচে দিচ্ছি তার আর কি ? সিঁহুর পরে বড্য বাহার বেরোর । আহা মরে যাই আর কি, ঠিক যেন তোমাদের মা শেতলা আর কি । ( সিঁহুর মুছিয়া দেওয়া ) ।

কামিনী । আঃ যাওনা ও কি কর ? মা আস্চেন যে । এত ভাল গেরোর পড়িচি বাপু । মরণটা হলে বাঁচি ।

( বিন্দুর প্রবেশ । )

বিন্দু । হাঁরে বেজো ! তোর এত রাত হলো যে ? আমি সেই অবধি পথ পানে চেয়ে রয়েছি, এই আসে এই আসে ।

ব্রজ । আচ্ছা সে কথা হচ্ছে । তোমাকে যে বলেছিলুম সিঁহুর পরিও না পরিও না, ফের পরিয়েচ ? তুমি কি আমার কথা শুনবে না ? মিছি মিছি বাজে খরচ কেন ?

বিন্দু । ওরে বাবা ! সিঁহুর কি ওঠাতে আছে ? অকল্যাণ হয় যে রে বাবা !

ব্রজ । ( বিরক্তভাবে ) আচ্ছা ভাল । হয় ত হয় ।

[ ব্রজেন্দ্রের প্রশ্নান ।

বিন্দু । এ কোথাকার পাগল ছেলে গা ! এ সভায় গে যে  
কি ছাই পাঁশ শেখে তাত বলতে পারিনে । এ  
পোড়া সভা উঠে যায় না কেন ? কাল মায়ের  
বাড়ী যাব এ কথা শুন্লে একবারে তেলে বেগুনে  
হবে । ভাল আপদেই পড়িছি । বৌমা ! এসত  
ভাত খাবে মা ।

[ উভয়ের প্রশ্নান ।

## দ্বিতীয় অঙ্ক ।

প্রথম গর্ভাঙ্ক ।

( ব্রজেন্দ্রের গৃহের পার্শ্বস্থ পুষ্পোচ্ছান । )

ব্রজেন্দ্র আসীন ।

ব্রজ । কি ভয়ানক ব্যাপার ! এই বুড়ো বয়েসে মেয়ে ছেলে  
নিয়ম কালিঘাট যেতে একটু লজ্জা হলো না ! যত  
মাতাল এক সঙ্গে জুটেচে । ঐ এক বেটা কেলো, ঐ  
এক বেটা মদো, ঐ এক বেটা জগা এই তিনটে কে ত  
যখন তখনই দেখতে পাই । আর ওদেরই বা দোষ  
দোবো কি, নিজে আল্গা হলেই সবদিক মাটি । উঃ !  
রাত্তিরে কামিনীর মুখে শুনে আমার চোখে ত আর



যুম এলো না। সারারাত জেগে এখন উঠে  
 এলেম্, এখনও দেখ্‌চি আকাশে দুটো একটো  
 তারা রয়েছে। (ক্ষণকাল চিন্তা করিয়া) আর এ  
 সংসারে ত সুখ নেই, কেবল দুঃখ, শোক, বিষাদ  
 বৈ আর কথা নেই। যত মনে করি ওদের  
 বুঝিয়ে পড়িয়ে ভাল পথে আনি, ততই মন্দ হয়ে  
 দাঁড়ায়। খালি মদ, বেশা, আর রাজ্যের কুকর্ম  
 নিয়েই ব্যস্ত। ভাল কথায় কান দেবে না, ভাল  
 কাষে মন দেবে না, দূর হগ্যে আমি কেন এই  
 সব দেখে শুনে বিষন্ন ছই?—(চিন্তা করিয়া কিয়ৎ-  
 ক্ষণ পরে) যা হোগ, মনটা বড় খারাপ হয়ে  
 গেছে। একটি ব্রহ্মসংগীত গাওয়া যাগ্, এখন  
 থেকে ত আর কেউ শুনতে পাবে না।—

## গীত ।

রাগিণী জয়জয়ন্তী । তাল ঝাঁপতাল ।

“শোকে মগন কেন জর্জর বিষাদে,  
 ভ্রমিছ অরণ্য মাঝে হয়ে শান্তি হারা ।  
 যঁার প্রীতি সুধার্ণবে, আনন্দে রয়েছ সবে,  
 তাঁর প্রতি নিরখিয়ে মুছ অশ্রুধারা ॥”

( নিদ্রা ভঙ্গে কামিনীর প্রবেশ ও  
দূরে দণ্ডায়মানা । )

দ্বারে এর মধ্যে উঠে এলে যে ? আমি কোথাও ত  
পালাই নি । বড় হিম পড়চে একটু ঘুমোও গে যাও ।  
কামিনী । আমিও যে যাব ।

ব্রজ । ( ব্যস্ত ভাবে ) কোথা ?

কামিনী । কতবার করে বলতে হবে ? কালিঘাট ।

ব্রজ । ( তাচ্ছল্য করিয়া ) আরে পাগল না কি ? উনি  
আবার কালিঘাটে যাবেন, হয়েছে আর কি ।

কামিনী । ( অভিমান ভরে ) না, তাকি আর যাবে ? তা  
নৈলে আজই ত যেতুম্, আজ এখানে রৈলুম্ কেন ?

ব্রজ । কামিনি ! তুমি ছেলে মানুষ তাই আমার কথায়  
অবহেলা কর্চ । তোমাদের মন এখন অতি ছোট,  
তাই যহৎ বিষয় তোমাদের মনে স্থান পায় না ।  
তোমাকে পশু' রাত্রে যখন “ সীতার বনবাস ”  
পড়াচ্ছিলেম্, তখন তুমি সীতাকে অত ধন্ববাদ  
দিচ্ছেলে কেন ? সেই আর সোমবারে বুঝি—সেই  
যখন “ নবনারী ” পড়াচ্ছিলেম্ তখন সাবিত্রীর  
কথা পড়ে অত খুসি হয়েছিলে কেন ? এখন কি সব  
ভুলে গেলে ? আমাকে পড়তে পড়তে কি বলে  
ফেনেছিলে ? আমি আবার যখন জিগ্যেস্ করলেম্  
“ তুমি কি বল্চ ” তখন তোমার আবার কত লজ্জা

- হলো, তুমি সে কথা আর হয়ে বল্লে না। তুমি কি বলেছিলে বল্বে ?
- কামিনী । হ্যাঁ—বল্বে বৈ কি, বল্বে না আর ? তুমি যেন শনুতে পেয়েছিলে ?
- ব্রজ । আচ্ছা শনুতে পাই নি ? বলি তবে ?—
- কামিনী । আচ্ছা আচ্ছা, তা বলে আর বলতে হবে না, শনেচ ত শনেচ ।
- ব্রজ । তুমি না লজ্জা সরমের মাথা খেয়ে বলে উঠলে “আমিও তোমাকে ঐ রকম ভাল বাস্বে, আমিও তোমার কথা ঐ রকম শন্বো ?”
- কামিনী । ( লজ্জিত ভাবে ) তা, আমি কি তোমার কথা শিনি ?
- ব্রজ । তা ত এই দেখ্চি !
- কামিনী । তা—ও—একটা কথা বৈ ত নয় ।
- ব্রজ । তবে কি কালিঘাটে একান্তই যেতে হবে ?
- কামিনী । তা—বাঃ ! আমি কি জানি ? বাড়িতে যা বল্বে তাই হবে ।
- ব্রজ । ( স্বগত ) তা আমি জানি । তা নইলে আর এ বিপদে মামুষে পড়ে ? ( প্রকাশে ) আমাকে নিয়ে যাবে কি ?
- কামিনী । তা আমি কি জানি বাঃ !
- ব্রজ । আচ্ছা কামিনি ! একটা কথা জিগেস করি, তোমার সেখানে গিরে কি সেই রক্তের ছড়াছড়ি দেখতে

সাধ হয়েছে ? আগেোনা. ছাগল কেটে, একবারে  
 পিশাচের মত মত্ত হয়ে, যত বেটা মাতালেরা মহা  
 ধুম্‌ধাম্ লাগাচ্ছে, তাই কি দেখতে তোমার এত  
 সাধ হয়েছে ? তোমাদের মা-কালী কি ছাগল  
 খায় ? মোষ খায় ? বলি দেওয়া কাকে বলে ?  
 এক ঈশ্বরের কাছে আপনার মনের পাপ সকলকে  
 বলি দিতে হয়, তাকে বলে আসল বলি দেওয়া ।  
 ( স্বগত ) আর তোমায় ও সব কথা বল্লে কি হবে,  
 তুমি এখনও ও সব কথার যোগ্য হও নি ।

কামিনী । ( ত্র্যস্তভাবে ) ঐ বুঝি সারী আমাকে ডাকতে  
 আস্চে, পালাই বাপু ।

[ কামিনীর প্রস্থান ।

( সারীর প্রবেশ । )

সারী । দাদা বাবু ! বাবা জিগেস্‌চেন্, তোমার কাপড়  
 চোপড় পরা হয়েছে কি, কালিঘাটে যাবেন যে ?  
 ব্রজ । বল্গে তোমাদের কালিঘাটে তোমরা যাও, আমার  
 সেখানে যাবার আবশ্যক নাই ।

সারী । আচ্ছা তবে বলি য়েয়ে ।

[ সারীর প্রস্থান ।

ব্রজ । কি গের, আমাকে আবার টানে যে !

[ ব্রজেন্দ্রের প্রস্থান ।

## দ্বিতীয় গর্ভাক্ষ ।

( নফর বাবুর বৈঠকখানা )

কালি, যহু ও নফরবাবু আসীন ।

কালি । কৈহে নফর বাবু ! তোমার জগন্নাথ কৈ ? তাকে  
খানিক রং করা যাগ্ ।

নফর । আস্তে বলিচি, আসেন্ এই টিকি ওড়াতে ওড়াতে ।  
ঐ হে তোমার ঠাকুর আস্চে ।

( জগন্নাথের প্রবেশ । )

কালি । ( উচ্চহাস্য করিয়া ) Think of the devil and the  
devil is before you.

যহু । ( ভূমিষ্ঠ হইয়া ) আসুন মহাশয় ! প্রণাম হই ।

জগ । কল্যানমস্ত । নফর বাবু ! তবে আর বেলা কেন ?  
বেলা আট্টা বাজে ।

কালি । মহাশয়ের কি প্রত্যহ গঙ্গাস্নান হয় ?

জগ । আজ্ঞে তা আর পাপ মুখে কেমন করে বলি ? আমার  
জাহ্নবীকে প্রত্যহ একবার দর্শন কতেই হবে । এমন  
কি, বেলা সাতটাই হোক্, দশটাই হোক্ আর দুই  
প্রহরই হোক্ আমার প্রাতঃস্নানটি কতেই হবে ।  
নফর বাবু ! দেখুন, আজ যখন নিমতলার চৌমাতার  
কাছ দে আস্ছিলুম্, পায়ে একটা এ বড় কাম্ড়েছে ।

কালি । কি, বিক্রমপুরের বুনা বয়াল ?

জগ । নাহে না ।

যহু । তবে কি দিনাজপুরের দো আঁন্লা দাম্ড়া ?

জগ । উঁ হুঁ ।

কালি । তবে কি বঁড়মে বেহালার বিলিতি বেরাল ?

জগ । আরে বাবু ও সব নয় । কি জালাতনেই পড়লুয় !

( পদ চুল্কান )

যহু । তবে কি বেনেটোলার বয়ালে বালক ?

জগ । আরে না না—নফর বাবু ! আমি চলেম্ আমায়  
এত ঠাট্টা !

নফর । আচ্ছা, আচ্ছা আমি ঔঁদের বারণ কচ্ছি—ওহে !—

যহু । বারণ করবে কি ?—( নফরের সম্মুখে হস্ত নাড়িয়া  
সঙ্গীত স্বরে ) “সে বারণ নিবারণ অকুশ না মানেন” ।

নফর । ওহে ভাই ! তোমরা একটু খাম না ।

কালি । আচ্ছা আমি আর একটি কথা বলব, তোমার দিনি,  
একটি, আর না । ঔঁকে কোন কৌদলুকারণী  
কাঁচুলিকমা কামিনী কাম্ড়েচে । তার আর কোন  
ভুল নেই । ( সকলের হাস্য ) ।

জগ । ( অতিশয় বিরক্তভাবে ) আরে ভাল জালায় পড়-  
লেম্ ! আজ কি অশুভক্ষণেই বেরুয়িচি । আমি  
যাই—( গমনোচ্ছত )

নফর । ( নামাবলি ধরিয় ) আচ্ছা আপনি আমায় মাপ  
ককন, ঔঁরা আর কিছু বলবেন না ।

জগ । আচ্ছা আমি একবার নিচে থেকে আস্টি ।

নফর । যাবেন্ না মহাশয় ! আমরা এখনিই বেরোব ।

জগ । আজ্ঞে না ।

[ জগন্নাথের প্রস্থান ।

নফর । কেন আর বুড় ব্রাহ্মণের সঙ্গে—

কালি । আরে তুমি যে বোজো না ; ও বেটা অকাল কুখ্যাও  
যদি আমাদের সঙ্গে কালিঘাটে যায়, তা হলেই ত  
একে বারে মাটি । টিকি ওয়ালাদের সঙ্গে আমি  
নেই বাবা !

যহু । আরে ঠিক বলেছ বাবা !

কালি । যা বলো আর যা কও কালিঘাটটা ফাঁক্ ফাঁক্  
ঠেক্চে ।

নফর । আরে আগে চলোত । তার পর সেখানে গিয়ে  
জম্‌কান যাবে । We three are a multitude.

কালি । তবে আর বিলম্ব কেন ? একবার ধোঁয়া যাত্রাট  
করে কালি বলে বেরিয়ে পড়ো । শুভস্ব শীত্ৰং ।

যহু । থাক্ আর কাজ নেই ।

কালি । নফর বাবু ! তোমার জগন্নাথ বোধ হয় সরেচে ।—

নফর । ঐ নাও তোমার জগন্নাথকে নাও । ওকি সরবার  
ছেলে বাবা ?

( জগন্নাথের পুনঃ প্রবেশ । )

জগ । মহাশয় ! গাড়ি প্রস্তুত, আহ্নন ।

কালি । মহাশয় ! আমাদের বেয়াছবিটে মাপ করবেন ;  
আমরা ছোটো একটা কথা টকা বললে চটবেন্ না ।

যহ । চট্‌বার যো কি বাবা ! তুমি জ্ঞান এখান থেকে  
কুমরটুলি বড় বেশী দূর হবে না ?

নফর । আঃ যহুবারু ! যহুবারু ! For my sake, a truce to  
your never-failing wit. তবে আর ঠিক মহাশয়েরা  
সব আশ্রম, আর বিলম্বে কাজ নাই ?

জগ । হাঁ চলুন । মিচি মিচি বেলা করবার আবশ্যিক কি ?  
( স্বগত ) আজ আমারই মুক্তি, যে ছই অবতাব  
সঙ্গে চলেচেন্ ।

[ সকলের প্রস্থান ।

( ব্রজেন্দ্রের প্রবেশ । )

ব্রজ । ( স্বগত ) শ্রদ্ধাটা গড়াবে ভাল । বেটারা আবার  
আমাকে টানতে চায় । কি আপদ, ওঁরা সবাই মদে  
গড়াগড়ি দেবেন আর আমি শালা ফ্যাল ফ্যাল  
করে চেয়ে থাকি । ওর চেয়ে দুদও ইনোসেন্ট প্লেজর  
কলে কাজ দেখে । যা হোক মেয়েরা সব গেল  
তাইতে আমার ভয় হচ্ছে । তাদের সামলায় কে ?  
এখন কামিনী আমার ভালয় ভালয় ফিরে এলে বাঁচি  
শুধু কামিনী কেন—আমার মার মঙ্গলও ত আমার  
দেখতে হয়, কেন না—যদিও তিনি আমার গর্ভ-  
ধারিণী নন, বাবার পরিবারও ত বটেন্ ।—



## ( নারীগণের প্রবেশ । )

নারী । আপনাকে আপনার বৈটুকখানায় দেখতে পামুনি  
তাই এখানে এমু ।

ব্রজ । ( যুদ্ধস্বরে ) মেটার কি হলো ?

নারী । ( যুদ্ধস্বরে ) খানা পেকিরিচি, নামালাই হয় । পাঁচ  
টাকা চাই তা নইলে—আপনাকে সাজকালে সব  
বলুবো এখন । এখন সেখানে একবার যাই ।

ব্রজ । দেখো খুব সাবধান ।

নারী । এজে সে কি আশায় বলুতি হবে গা ?

[ নারীগণের প্রস্থান ।

ব্রজ । ( স্বগত ) এ বেটা বোধ হয় জোগাড় করেছে । আর  
বলে সরলাও একপ্রকার সম্মত হয়েছে । এখন যাই  
একবার অন্তদানের বাড়ী যাই একলা বসে আর কি  
করুবো ।

[ ব্রজেন্দ্রের প্রস্থান ।



## তৃতীয় অঙ্ক ।

( নফর বাবুর বৈঠকখানা । )

নফর আসীন ।

নফর । ( আলুবোলায় তামাক খাইতে খাইতে ) ওঃ আজ বড় গরম বোধ হচ্ছে ! কাল কি হেঙ্কাম ! যত্ন টহু সব মাতাল হয়ে পড়লো আমি একলা মেয়েদের নে কি সাম্ব্লাতে পারি ? তাও যদি আবার বেজা ছোঁড়া যেতো, তা হলেও অনেক সুবিদে হতো । ও ছোঁড়া ত ব্রহ্মজ্ঞানী হয়ে একবারে মাটি হয়ে গ্যাচে । যদিও সন্দের সময়টা মেয়েগুলোকে গাড়িতে চাপালুম, তা আবার রাস্তায় এই বিপদ । রাস্তার মাঝখানে গাড়িখানা ভেঙ্গে গে কি ফাঁপরেই পড়া গেল ! ভাগ্যিস্ সেই সাহেবটি ছেলো তাই রক্ষে । সে আবার সেই রাক্তিরে নিজের গাড়ি জুতে দেয়, তাই মেয়েগুলোকে নিয়ে বাড়ীতে আসতেপাই । আসতে বলিচি তাকে, বোধ হয় আসবে এখনি—( নেপথ্যে দেখিয়া ) ঐ যে নাম কত্তে কত্তেই এসে পড়েচে ।

( গোমিশের প্রবেশ । )

গোমি । Hallo ! Babu how do you do ?

নফর । ( গাত্রোস্থান ও সেকছাও করিয়া ) O ! Quite well, thank you for your kindness. ভাগ্যিস্ তুমি ছেলে সাহেব তাই আমার ওয়াইক্ টোয়াইক্ সেক্‌লি বাড়ীতে পৌঁছুলো । Please take your seat .

( উজ্জয়ের উপবেশন । )

গোমি । বাবু ! আপন্থে আমার আস্তে বলেছেলে তাই আস্তেছি ।

নফর । আস্তেবনা সাহেব ! আস্তেবৈকি, তোমারই বাড়ী তোমারই ঘর । তোমার আসাতে আমি খুব খাড হইছি ।

গোমি । We are all friends now.

( কালি বাবুর প্রবেশ । )

নফর । আরে এস কালি বাবু ! কেমন আছ বল ।

কালি । My days are listless and my nights . restless.

নফর । তুমি যে সব জান দেখ্‌চি ।

কালি । Oh ! I am versed in every thing, Jack of all trade, but master of none.

নফর । And very cleverly in drinking. ওহে কালি বাবু ! এই সাহেবটি আমার বেঙ্ক ফেও ।

কালি । O ! Good morning Mister এ-এ-এ—

নফর । গোমিশ ।

কালি । মিস্টার গোমিশ ।

গোমি । আপনি সকাল বেলাই পান করে ?

কালি । সাহেব ! চক্ষিণ ষট্টাই স্বপ্নে ঝাচ্চি বাবা ।

সকালও নেই সন্ধেও নেই ।

নফর । দেখ সাহেব ! এ কালি বাবু খুব লেখা পড়া  
জ্ঞানে ।

গোমি । আচ্ছা হামি ওরকে কোশ্চেন্ জিগাসা করবে ।

কালি । দুশ কোশ্চেন্ জিগেস কর সাহেব ! পেছপাও  
নই কিছুতে ।

গোমি । আচ্ছা বল দেখি বাবু ! What gender is egg ?  
(হাস্য ।)

কালি ! Oh ! I can not say until it is hatched.  
আমি ত আমি, আমার ঠাকুরদাদাও এ কোশ্চেনের  
এন্সার দিতে পারে কিনা সন্দ । আচ্ছা আমি  
তোমাকে একটা জিগোস করি ।

গোমি । Very well Babu !

কালি । আচ্ছা বল দেখি সাহেব ! Eye sees every  
thing ; is this correct ?

গোমি । No ! it should be—I see every thing.

কালি । Nonsense you are wrong.

গোমি । How Sir ?

নফর । কেন কালি বাবু ! সাহেব ত ঠিকই বলেচে ?

গোমি । হাঁ ডেখো হামি ঠিক বলেচে ।

কালি । No sir ! I meant E, y, e Eye, not I by itself

I. My expression is correct, you want to correct the correct, you want to paint the lily and gild the gold.

গোমি । Oh Babu ! you are a punster.

কালি । আর সাহেব ! আমি পানের তারেই বেঁচে আছি, নৈলে এতদিন কোন কালে শিঙ্গে কুকতুম্ । তাঁর সঙ্গেই সহমরণে যেতেম্ ।

গোমি । যা হোক, আপন খুব চটুর আছে ।

কালি । কি বলে আন্নি cheat করি ? ননসেন্স ! তুমি যদি ফের অমন কথা বল তা হলে আমি তোমাকে ঘুবো মারব । তুমি জান আমি একজন মিলিটারি ম্যান ?

গোমি । (সকোপে উঠিয়া) ভাল কটার লোগ্ আছে না টুমি, ডেখেছ হামার ঘুসো ইউ ব্রাক্ নিগাহ্ !

নফর । আহা ! তোমরা ঝগড়া কর কেন ছি ছি ! মিস্টার গোমিশ ! যেতে দাও, এক কথা হয়ে গেছে তার আর কি হবে যেতে দাও ।

কালি । (স্বগত) না বাবা ! এবটা দেখছি বড় রোকা লোক তবে ওর সঙ্গে আলাপটা করে লোয়া যাগ্ ।

(প্রকাশ্যে) আচ্ছা সাহেব ! আর না বাস্ কর ।

টোম্‌বি মিলিটারি হায় আর হাম্‌বি মিলিটারি

হায় । Now good bye for the present.

( গমনোচ্ছত )

নফর । কি চল্লে নাকি ?

কালি । হ্যাঁ ভাই চল্লেম্ এখন ।

[ কালির' প্রস্থান ।

গোমি । এ বাবুঠো বড় মাটাল আছে—মেই ?

নফর । Oh ! Dead drunkard. Dont take any offence

Mister Gomish !

গোমি । Oh No ! ও মাটাল আছে, ওর কি জ্ঞান আছে ?

টবে হামিও এখোন উঠ্চে মশায় ।

নফর । Very well good bye !

গোমি । Oh good bye ! ( স্বগত ) এ বাবুর জরুটা বেশ

আছে, আর এক রোজ টার সঙ্গে ভাব কর্টে

হবে ।

[ গোমিশের প্রস্থান ।

---

## চতুর্থ অঙ্ক ।

### প্রথম গর্তাঙ্ক ।

( নফর ঝাবুর বাটার শতদ্বার । )

ব্রজেন্দ্র দণ্ডারমান ।

ব্রজ । তাইত, নারাগের যে এখনও দেখা নেই, বেলা পাঁচটা বাজে যে।—

( নারাগের প্রবেশ । )

ব্রজ । তুই যে আজও গিচিস্ কালও গিচিস্ । ইদিক্কার খবর কি ? ভাল ত ?

নারা । ভাল নয় ত কি মুশয় ? আচ্ছা মুশয় আমি যা বল্চি তা সত্যি কি মিথ্যে তা আর আমি কি বলব, আপুনি সেখানে য়েই ত জানতে পারবেন ।

ব্রজ । তা আমি আজই ত যাচ্ছি । কিন্তু দেখিস্ যেন আমায় অপ্রস্তুতে পড়তে হয় না ।

নারা । আরে না মুশয় ! আমরা গোরা বেঁধে কন্মো করে থাকি । জগু ভট্চায় এখন শিষ্য বারি গিয়েচেন্ তার আসতে বিলম্ব আছে ।

ব্রজ । আর তার পরিবারের মত —

নারা । ( কিঞ্চিৎ উচ্চস্বরে ) কি মুশয়—

ব্রজ । আরে ! আস্তে আস্তে । তোকে যে বলে বলে  
আর পাল্লেম্ না ।

নারা । ( ম্লানস্বরে ) বলি তাকে পনের টাকা দিমু, দিতিই  
আর ব্যাভে হাঁসি ধরেনি ক । সে ত পনের টাকা  
এককালে কখন দেখেনি । এত টাকা হাতে পেয়ে  
একবারে আক্লাদে নেতা কত্তে লাগলো ।

ব্রজ । ব্রাহ্মণের এ ঘোজপক্ষের স্ত্রী নয় ?

নারা । আজ্ঞে এ ভেজপক্ষের গো, এ বড় মুন্দরী ।

ব্রজ । আচ্ছা নারাগে ! বল দেখি এতে আমার কোন  
পাপ আছে কি ?

নারা । আজ্ঞে পাপ কি ? আপনার ঠাকুর আপনার  
স্ত্রীকে পেটিয়ে দিলেন কেন ? এ পাপ তাঁরেই  
অর্শায় । আপনার কিছু পাপ নেই । আপনি ত  
পাটিয়ে দিতে বলেন্ নি । আপনি ত অনেক  
জকরি করেছিলেন ।

ব্রজ । বাবার ডারি অত্মায়—মা ? আমি কত বারণ কর্হুম্  
তবু শন্লে না ।

নারা । তা শনবেন কেন ? তাঁর কপালে এ পাপ আছে কি  
না, তা কে ধণায় ? আপনি দোমনা হবেন্ নি,  
আপনার এতে একটুকুনও পাপ নেই ।

ব্রজ । তবে তুই এখন যা । আমি সন্দেহ হলেই সেখানে  
যাচ্ছি । দেখিস্ সব ঠিক্ ত ?



নারা । সব ঠিক্ । তবে আমি এখন চল্লেখ্ । আমার  
বক্সিস্টিটে ছল্বেন্ না । (কিঞ্চিৎ দূর গিয়া)  
একটা কথা বলে যাই ।

ব্রজ । কি—কি অ্যাং ?

নারা । বলি এমন কিছু নয় । আপনাতর ঠাকুর এখন  
কোত্ ?

ব্রজ । সেই কেলো মাতালের বিয়ে দিতে গিয়েচে ।

নারা । সে কোত্ ?

ব্রজ । সে কি দেশ, জ্ঞান বলতে পারি নে । তা যা হোক  
এখন অনেক ঝিন আস্চে না ।

নারা । তা বেশ হয়েছে । আমি এখন আসি তবে ।

[ নারাণের প্রস্থান ।

ব্রজ । (স্বগত) বাবাগুরোটা যেমন পাজি, তেমন  
সকল পাপের জাগী হবে । আমার কি ? গুরোটা  
আমার কথা শুল্লে না, তাড়াতাড়ি বৌকে পাঠিয়ে  
দিলে । Let him feel the consequence.

যাই এখন মুখ হাত ধুই গে, সন্দেহ হয়ে এল ।

[ ব্রজেন্দ্রের প্রস্থান ।

( গোমিশের প্রবেশ । )

গোমি । কৈ হ্যার ?

( ভর্তুর প্রবেশ । )

ভর্তু । ( সেলাম করিয়া ) ছিলাম্ সাব ।

গোমি । আচ্ছা তোয়রা বাবু কাঁছা ?

ভর্তু । বাবু ত দো তিন রোজ বাড়ীমে নেহি হ্যায় সাব্ ।

গোমি । আচ্ছা বাবুকো ছেলিয়া কাঁহা ?

ভর্তু । ছোটা বাবু জল উল খাতা হ্যায়, খোড়া ঘড়ি বাদ

বাহার যাগা সাব্ । আপ্ বৈঠিয়ে ।

গোমি । নেহি আবি হাম্ যাতা হ্যায় ।

[ গোমিশের প্রশ্নান ।

( ব্রজেন্দ্রের প্রবেশ । )

ব্রজ । দেখো ভর্তু ! কৈ আয়েগা ত বোলো আজ হামারা

সাত দেখা হোগা নেই । হাম্ আবি বাহার যাতা ।

[ ব্রজেন্দ্রের প্রশ্নান ।

ভর্তু । বহৎ খুব্ ।

[ ভর্তুর প্রশ্নান ।

দ্বিতীয় গর্ভাঙ্ক ।

( বিদ্বর গৃহ )

সারী শয্যা প্রস্তুত করিতে করিতে

পাখী পড়াইতে রত ।

সারী । আ মলো হতভাগা ছারপোকাকার জ্বালায় কি হবে

গা ? ( পাখীর প্রতি ) আরে মলো পড় না, বল্

রাধা, কৃষ্ণ রাধা, কৃষ্ণ রাধা, কৃষ্ণ কৃষ্ণ রাম রাম,

হরে কৃষ্ণ হরি নাম, হরে কৃষ্ণ হরি নাম, কৃষ্ণ কৃষ্ণ,  
 রাম রাম, ভজ গুরু কৃষ্ণ, কহ গুরু কৃষ্ণ, লহ গুরু  
 কৃষ্ণ নাম, কৃষ্ণ কৃষ্ণ, রাম রাম, কহ সখি কৃষ্ণ  
 কোথায়, কৃষ্ণ মথুরায়, কৃষ্ণ গোধন চরায়, কৃষ্ণ  
 পাতকী তরায়, কৃষ্ণ কৃষ্ণ রাম রাম, চল তীর্থ কাশী,  
 বৈকুণ্ঠবাসী, ভজ বিশ্বনাথ, কালী কম্পতরু, শিব  
 জগতগুরু, শিব শিব, রাম রাম, পড় বাবা  
 আশ্চার্য্যাম পড় ।

( ধীরে ধীরে গোমিশের প্রবেশ ও কিঞ্চিৎ  
 অন্তরালে দণ্ডায়মান । )

গোমি । ( স্বগত ) আমি যে সাহেব নই, তা বোধ করি, এরা  
 কেও জানতে পারবে না । ( স্বীয় পরিচ্ছদের প্রতি  
 দৃষ্টিপাত করিয়া ) নাঃ, ঠিক হয়েছে । হ্যাট্, কোট্,  
 পাণ্টুলুন এই হলেই সব হলো । তবে কিনা, একটু  
 রংটা ময়লা, তা আজ যে রকম করে পাউডার  
 মেখিচি, তাতে আর এ রাক্তিরে আমায় বাঙ্গালী  
 বলে চেন্বার যোটি নাই । আমার নাম হলো গুরু-  
 দাস, আমি হলুম্ গোমিশ । আমার মাগ হলো  
 নিস্তারিণী, এখন হতে গেল, মিসেস্ গোমিশ । খুব  
 মজা করা গেছে যাহোক্ । এখন আমাকে বিলিতি  
 চালচুলটা রাখতে হবে । কথা বার্তায়ও খুব সাব-  
 ধান হয়ে চলতে হবে । আর আমিও ত একজন

বিলেতের ফেরত বারু । আচ্ছা সে সব ত হলো ।  
বাড়ীর ভিতর পর্য্যন্ত ঢুকে যে নিষ্ফল হয়ে যাওয়া,  
সিটি কিন্তু হচ্ছে না । যেমন করে হোক কন্ম কেয়াল  
কত্তেই হবে । ( ঘরের দিকে দৃষ্টিপাত করিয়া ) ঐ  
যে এক মাগি—মাগি নয় ছুঁড়ি বিছানা পাতচে ।  
তা ওরই হাতে দু পাঁচ টাকা গুঁজে দিলেই ত মনো-  
রথ সিদ্ধি হতে পারে । ঐ যে মাগি এই দিগেই  
আস্চে ( সাহেবের মত দণ্ডায়মান ) ।

সারী । ( গোমিশকে দেখিয়া সচকিতে ) ওমা এ কে গো !—

গোমি । ও কি ? টুমি হামারকে চিন্‌টে পার্‌লে না !

সারী । আমলো রে ! এ পোড়া আবার বাড়ীর ভেতরে এস  
কোথা থেকে ! আমলো ছুঁসু কেন ? বারু কদিন  
বাড়ী নেই । আবার দাদাবারুও কোথা বেরিয়ে  
গেল । কি এমন মেচেস্‌টিকি কাজে গেলেন যে,  
তার ও ঠিক নেই । এ আবার এক ভাল আপদে  
পড়লুম্‌ যে গা ।

গোমি । ( সারীর অঞ্চল ধরিয়া ) আরে ছুঁড়ি ! শোননা—

সারী । ওমা—সাহেব আমাকে কি করে গো ! ও ভতু !—

গোমি । এই চঁচাবি টো, হাম্‌ মারবে । এই ডেক্‌ছিস্  
হামার হাটে ছড়ি রয়েছে ।

সারী । আচ্ছা কি বলবে বলনা বাপু ?

গোমি । হামি সেই কালিঘাটের সাহেব আছি ।

সারী । তা আমাকে ছেড়ে দাওনা সাহেব ! তোমার পার

পড়ি সাহেব—তোমার গু খাই সাহেব—তুমি  
আমার বাপ, মা, হেঁই সাহেব—তুমি আমার ছেড়ে  
দাও, তোমায় বেগোত্তা করি ।

গোমি । আরে রওনা, টোকে আমি একটা কঠা বল্বে ।

সারী । তা কি, বলনা ঝট্করে । (স্বগত) আবার এই  
রাতিরে চান কত্তি হবে, এ পোড়ার মুখ আবার  
মদ খেয়েছে, মুখদে যেন মড়া পচা গন্দো বেরোচ্ছে,  
খু । (প্রকাশ্যে) আর আমি দাঁড়াতে পারিনে  
সাহেব ! আমার জল তিষ্ঠা পেয়েচে ।

গোমি । হামি টোকে কপি ডেবে, টা হলে টোর টিউ  
যাবে । টুই বেশ ডাসী আছিন্ ।

সারী । রূপী কি সাহেব ?

গোমি । টাকা, টাকা । টুমি বুন্টে পারলো না ? হে-  
হে-হে (হাস্য) ।

টোম্কে একঠো কামবি কর্টে হোবে ।

সারী । ওমা—কামবাই কি সাহেব !

গোমি । আরে কাজ, কাজ, (টাকা বাহির করিয়া) এই  
ডেকো কেমন টাকা আছে ।

সারী । আমাকে দাওনা সাহেব !

গোমি । আগে কাম কর ।

সারী । আচ্ছা বল কি করবো ? আমার রাত হয় ।

গোমি । আচ্ছা এই পাঁচ রূপী নে । আর ডেখ্ বাবুর যে  
জক আছে—

সারী । ওমা—জ্বক কি সাহেব ! ও সব আবার কি কতা ?

ও যে আমি বাপের জন্মেও শুনিমি ।

গোমি । আরে মাগ, মাগ ।

সারী । কে, আমাদের গিন্নি মা ?—

গোমি । হাঁ, হামি টার সঙ্গে আলাপ কর্টে চাই ।

সারী । ওমা—ও কি কথা গো ! তুমি ত ভাল নোক নও সাহেব !

গোমি । আরে টুই কত রুপী চাস্ বলনা ?

সারী । ( স্বগত ) টাকা গুলো ত আগে নোয়া যাগ্, তার পর যা হয় হবে । ( প্রকাশে ) তা গিন্নি মাকে কি বলব বল না ?

গোমি । এই নে আউর পাঁচ রুপী নে । টাকে এই কটা বলবে, যে সেই কালিঘাটের সাহেব টোমারকে আলাপ কর্টে চায়, অনেক রুপী ডেবে ।

সারী । ( স্বগত ) এ যে ভারি বিষম কথা । এ কথা কেমন করে তাঁকে বলি য়েয়ে ?—

গোমি । টুমি যদি ঠিক কর্টে পারিস্, হামি টোরকে আউর ডশ রুপী ডেবে ।

সারী । আচ্ছা সাহেব বলে দেখ্‌বো । তবে আমি এখন যাই । আমাকে ছেড়ে দাও সাহেব । আবার কেউ দেখ্‌তে পাবে, দেখ্‌তে মনে কর্বে কি বল ?—

গোমি । আচ্ছা যা ।

[ সারীর ক্রতবেগে প্রস্থান ।

গোমি। (স্বগত) এ মাগী দেখছি টাকা পেয়েই গলে  
 গ্যাচে, তা দেখি, কি হয়ে ওঠে। এখন যাওয়া  
 যাগ আবার বাবুর ছেলে, আমাকে দেখতে পাবে।  
 ভাল এখনতো বায়না দেওয়া হলো।

[ গোমিশের প্রস্থান।

নেপথ্যে। কোন্ হ্যায়? কোন্ হ্যায়? এই শালা চোড়া  
 আদমি, শালা ভাগা হ্যায়!

## পঞ্চম অঙ্ক ।

### প্রথম গর্ভাঙ্ক

( জগন্নাথ ভট্টাচার্যের মৃত্তিকার দাওয়া )

সরলা আসীনা।

সর। (স্বগত) কিছুইত ভেবে ঠিক কত্তে পাচ্চিনে। এ যে  
 কাজে হাত দিয়িছি, এটা কি ভাল? আর ভালই  
 হোক আর মন্দই হোক, এ বুড় ভিকিরী বামনের  
 হাতে পড়ে কি আমার সোণার যৌবনটা রুখা  
 কেটে যাবে? না পাই খেতে, না পাই শুতে, না  
 পাই পর্তে, এ রকম করে আর কত দিন বেঁচে

থাকবে ? এ রকম করে বাঁচা, না বাঁচা দুই সমান ।  
 ভাল, মুখপোড়া যেন গরিব, তা দেখতেও কোন্  
 ভাল হলো ? তাঁর যে রূপের ছটা, বর্ণ কটা, গঁটা-  
 গঁটা, নাদাপেটা, ফাটা চটা, কোটোরচখে  
 খেবড়ামুখে, খাবড়ানেকো,—তাঁর রূপ বর্ণনা কত্তে  
 গেলে আফ্লাদে পুঁতুল মনে পড়ে, চারচৌক সমান,  
 কোন দিকে একটু উঁচু নীচু নেই । আচ্ছা যেন ধন  
 নেই, রূপ নেই, তা যাও দুই এক টাকা নিয়ে আসে,  
 তাও বা আমাকে দেয় কই ? কাজের বেলা কেমন,  
 আর কাজ ফুরোলেই টেরের আঙ্গুল দেখায় । ও যে  
 কিসে ভাল, তাত আমি ভেবে ঠিক কত্তে পারিনে ।  
 কথায় বলে—

রূপে, গুণে, ধনে, মানে কিসেই বা কমী ।  
 বুদ্ধি যেন কলার কাঁদী, জ্ঞানে শ্রীপঙ্কমী ॥

তা না হলে কি সাথে আমি কুপথগামী হচ্ছি ।  
 আহা ! লোকের ভালবাসা দেখলে চক্ষু জুড়ায়,  
 চক্ষের পাপ যায় । সেই আমার মাথাত বোন যখন  
 তার ভাতার “ কালিচরণকে ” নাতি মেরেছিল,  
 তখন তার রাগ করা চুলোয় যাগ, আরও বলে “ কুল-  
 কুমারি ! অত জ্বোরে নাতি মাতে হয় ? তোমার  
 পায়ে বোধ হয় বড় লেগেচে, না ? বলতো আমি  
 পায়ে হাত বুলিয়ে দি ” । কুলি তার কথা শুনে



খেন্নায় অম্নি কেঁদে ফেলেছিল। আহা তেমন  
 স্বামীর নাম কল্পেও পুণ্য হয়। আমি কালিচরণের  
 মতন স্বামী পেলে দিবা নিশি তার চরণ সেবা  
 কর্তব্য। আর ও মুখপোড়ার কথাই বা কোন মিষ্টি ?  
 তার কথার মাধুর্যের কথা আর কি বলবো। কথা  
 কয় মেন কালপেঁচা ডাকে। হে পরমেশ্বর ! এই  
 মুখপোড়াকে ফাটা পায় তেল মাখিয়ে দেবার  
 জন্তে আর পাকাচুল তোলবার জন্তে কি আমি বে  
 করিচি ? আমি বড় লোকের ঘরে পড়লে কত  
 গয়না পত্তন, কেমন স্বামীসোহাগিনী হয়ে থাক-  
 তুম্। এ পোড়া কপালের হাতে পড়ে রেখে রেখে  
 আমার জনমজ্ঞা গেল, আমার সোণার রং কালি  
 হয়ে গেল। আমার মা বলতেন্ যে আমার সর-  
 লার যে একটী বর করব, একবারে রাজা টুকটুকে,  
 আর খুব বড় মানুষ দেখে বে দোবো, তা আমাদের  
 পোড়া জেতে কি আর সে রকম হবে ? আমাদের  
 আবার চারিটী বই ঘর নেই, ঐ চারিটী ঘরের  
 মধ্যেই বিয়ে দিতে হবে, তা আর বড় মানুষই বা  
 পাবে কোথা, আর রাজা টুকটুকেই বা পাবে  
 কোথা ? ভাগ্যিস্ এ ব্রাহ্মণের মাগ্ মলো, তাই  
 এর সঙ্গে বিয়ে হলো, নৈলে সেই ভীমরথী ওলার  
 সঙ্গে হতো, তাকে অন্তর্জলীই কত্তে আনুগ,  
 আর যা কত্তেই আনুগ, বাবা আমাদের জাত-

রক্ষের জন্ম তারই সঙ্গে বিয়ে দিতেন্, ভাগিন্যস্  
সেজ খুড় এসে এই খবরটা দেয়, তাই রক্ষে । রক্ষে  
আর কি ?—তার সঙ্গে বিয়ে হলে তখনই বিধবা  
হতুম, এ না হয় দু'পাঁচ দিন বাদে হবো । তা শুধু  
খাড়ু গাছটা হাতে থাকলেই কি সংসারের সকল  
সুখ হলো ?— যাগ্ ও সব আর ভেবে কাজ নেই ।  
ও সব ভাবতে গেলে আর জ্ঞান থাকে না । সন্দেহ ত  
হয়ে গেছে অনেক ক্ষণ, কৈ এখনও যে কার  
দেখা নেই । নারাগে যে বলে গেল ব্রজেন্ বাবু  
এখনই আসবেন, তা কৈ ? (নেপথ্যে দেখিয়া) ঐ  
যে আস্চেন্—

( ব্রজেন্দ্রের প্রবেশ । )

( প্রকাশ্যে ) আস্ন্ মশাই আস্ন্ ( উভয়ের উপ-  
বেশন ) আপনার অনেক রাত হলো তাই আমি  
ভাবছিলুম—

ব্রজ । না, এই ব্রাহ্মসমাজটার একবার যাওয়া হয়েছিল ।  
নামটা লেখান গেছে, তাই রবিবারে রবিবারে—

সর । আপনি কি নাম লেখান নাকি ?

ব্রজ । প্রায় বটে, একবার করে যেতে হয়, তুমিও যেমন  
ও খালি মুখস্ত যাওয়া বৈত নয় ।

সর । আপনি বড় লোকের ছেলে, আর নিজেও বড় লোক

হরে, গরিব লোকের ঘরে যে পার ধূল দিবেচেন  
এই আমার পরম সৌভাগ্য ।

ব্রজ । তা আমারই ত আসা সম্ভব । রত্নকেই সকলে অন্বে-  
ষণ করে, রত্ন কিছু কাকোয় অন্বেষণ করে না ।

সর । না, তাই বল্চি আজ আমার পরম সৌভাগ্য—ও মা  
কোথায় যাব গো ! ঐ কত বুঝি আস্ছে ঐ তার  
গলার সাড়া পাচ্ছি !—

ব্রজ । অঁ্যা ! তবে আমি কোথা যাব ? এখন ত পালাবার  
যো নেই ।

সর । (ত্র্যস্তভাবে) আপনি ঐ মাহুরের ওপর জড়সড়  
হয়ে শুন, আমি আপনাকে বালিশের মতন করে  
চাদর চাপা দিবে রাখি, খবরদার ! নড়বেন না, তা  
হলেই বিপদ ।

ব্রজ । আচ্ছা সেই ভাল । (ব্রজেন্দ্রের শয়ন ও সরলার  
ঐ রূপ করণ)

( জগন্নাথের প্রবেশ । )

সর । (উঠিয়া) কিগো এর মধ্যে যে ?

জগ । পথে ঢের ব্যাঘাত হলো, তাই মনে কল্পুম যে এ  
যাত্রাটা ভাল নয় । তাই পোঁটলা পুঁটলি নে আবার  
এই মন্তে মন্তে ফিরে এলুম । তা নইলে কি শম্মা  
ফেরেন ?

সর । ( স্বগত ) তোমাকে আর না ফিতে হলেই বাঁচতুম্ ।

জগ । কি বল্চিস্ ?

সর । বল্চি এ যাত্রাটা বদলে শীগির করে আবার যাও ।  
আমাদের ত খাবার কিছুই নেই ।

জগ । যাব বৈ কি, না গেলে কি এক দণ্ড চলে ? আরে  
হাবি ! আমি আচি বলেই তাই খাচ্চিস্ পচ্চিস্,  
আমারও আর দেরি নেই । এই দেখনা কবে যুতে  
যুতে পথের ধারে মরে পড়ে থাকবো ।

সর । ( স্বগত ) আঃ তা হলেই বাঁচি । ( প্রকাশ্যে ) আমি  
আগে যাই, তার পর যা হবার তাই হবে । নাও টের  
হয়েচে ত্রাকামি রাখ, এখন যাও একবার শিষ্য  
বাড়ি থেকে হয়ে এস ।

জগ । এই যাই । ( দেখিয়া ) ও গুলো কি উঁচু হয়ে  
রয়েছে ?

সর । ( স্বগত ) মধুমদন ! রক্ষা কর । ( প্রকাশ্যে ) ও  
কিছু নয় ও বালিশগুল ।

জগ । অত বালিশ ত আমার নেই । ও টা কি দেখি গিয়ে ।

সর । ( হস্ত ধরিয়া ) তবে শোন আগে বলি, তার পর  
ওর কাছে যাবে ।

জগ । তুই বলি “ওর কাছে” তবে ওটা কি মামুষ ?  
অঁয়া ! মামুষ আমার বিছানায় এর কারণ কি ?  
দেখতে হলো ।

সর । আমরণ, আগে বলি শোনই না ছাই ।

- জগ । ( চোখ রাজ্জাইয়া ) কি আমাকে মত্তে বলি !
- সর । না না ওটা মুখ থেকে কেমন ধারা বেরিয়ে গেছে ।  
তোমাকে আমি মত্তে বলব ! আমার মুখ পুড়ে  
যাগ, আমাকে আগে নিমতলার ঘাটে রেখে এস—  
আর আমি কি জানি নি যে আকাশের গায় থু থু  
ফেলে আপনার গায় পড়ে ?
- জগ । তা কি বলবি বল । আমার কিন্তু ভারি রাগ হয়েছে  
( কম্পন )
- সর । ( প্রবোধ বাক্যে ) শোন, সেই আমি যার সঙ্গে  
গঙ্গাজল পাকিয়েছিলুম, জান ত ?
- জগ । সেই ও পাড়ার কুলীনদের মেয়ে ত ? নিধিরাম বাঁড়ু-  
ঘোর নাতনী ?
- সব । হ্যাঁ, সেই এয়েচে, তা দৈবি তুমি এসে পড়েচ, তাই  
চাদর মুড়ি দিয়ে লুকিয়েচে । ও কি তোমার সাম্নে  
বসে থাকবে ? এখন বুঝলে ত ?
- জগ । তাই বল । তা ওকে ভাল করে জল টল খাইচিস্ ত ?
- সর । ( অমুচ্চন্দ্রে ) পরমা কোথা পাব ?
- জগ । আচ্ছা আমি বাবুর বাড়ী থেকে আনি তবে ।
- সর । বাবু না বাড়ী নেই ?
- জগ । তবে তাঁর ছেলের কাছ থেকে আন্টি । ব্রজ বাবুর  
যথেষ্ট অমুগ্রহ আছে আমার উপর ।
- সর । আচ্ছা যাও তবে একটু শীগির করে এস ।

( সরলার হাঁচি । )

জগৎ । আঃ ষাবার সময় আবার ব্যাঘাত পড়ে যে । ওরে আমার মনটা এখনও ধারাপ রইলেচে একবার আমি দেখিই যাইনে ওটা কি ? ( ব্রজেন্দ্রের নিকট গমন ) ।

সর । ও ভাই গঙ্গাজল ! তোর ভাসুর তোর কাছে শুভে চায় যে লো । একটু বাগিয়ে শোলো । ( ব্রজেন্দ্রের টাকার শব্দ ) ঐ শোনো মলের শব্দ কচে । কি নজ্জা !—কি যেম্নার কথা যা !—ওমা এ কি করে গো ! এ যে একবারে নজ্জা পিত্তি রইত দেখতে পাই !

জগৎ । বটেই ত ! না না আমি কি সত্যি সত্যিই যেতুম ? আমি ঠাট্টা কচ্ছিলুম, তবে আমি টাকাটা সিকেটা বা পাই আনিবে, কেমন ?—

সর । হ্যাঁ আনবে বৈ কি ।

[ জগন্নাথের প্রস্থান ।

ব্রজেন্ বাবু ! মুখপোড়া গেচে এখন বেরিয়ে আসুন আঃ ! হরি রক্ষে করেচেন ।

ব্রজ । ( বাহিরে আসিয়া ) আজ ভাই এখন আসি তবে । আর এক দিন আস্ব । মারাণেকে দে বলে পাঠাব যা হোক তোমার খুব বুদ্ধি ভাই ।

সর । সে শুধু আপনার অমুগ্রহ । আচ্ছা আজকে আর আমিও থাকতে বলতে পারিনে আসুন তবে ।

[ ব্রজেন্দ্রের প্রস্থান ।

## দ্বিতীয় গর্ভাক্ষ ।

( নকর বাবুর বৈঠকখানা । )

( জগন্নাথের প্রবেশ । )

জগ । ( স্বগত ) কৈ, বাবুরা যে কেউ নেই । ব্রজবাবু বোধ করি এখনও সমাজ থেকে ফেরেন্ নি । তাঁর কাছ থেকে আজ কিছু নিয়ে যেতেই হবে, তা না হলে, আজ আর মান থাকে না । আমি বুঝতে পারিনি তখন—এ বিবাহটা করে বড় ভাল করিনি । আমার এই বুদ্ধ বয়েস, কখনকাল গেচে এক কালে ঠেকেছে আমি বিয়ে করব্ কার জন্তে ? মিচি মিচি একটা গলগ্রহ করে আমাদের নাজেহাল হতে হয়েছে । আর সেটারও কষ্ট । এখন লাভের মধ্যে এই যে, আমাদের স্বহস্তে রেখে যেতে হয় না । ঐ যে কে আস্চে—

( ব্রজেন্দ্রের প্রবেশ । )

ব্রজ । ( স্বগত ) এই যে, ব্রাহ্মণ এইখানেই ছাঞ্জির ।

জগ । আস্তে আজ্ঞা হয় মহাশয় কল্যাণ হোক ।

ব্রজ । কেও ডট্‌চাফ্‌ মশাই যে প্রণাম হই, কতকণ ?

জগ । আজ আমার কপাল সুপ্রসন্ন যে—

ব্রজ । ( স্বগত ) তোমার না আমার ?

জগ । ব্রজেন বাবু আমাদের প্রণাম করেচেন্ । ( হাস্ত )

ব্রজ । বিলক্ষণ ! আপনি হচ্ছেন আমাদের চেয়ে বয়েসে বড়, তা আপনাকে প্রণাম কতে হান্ কি আছে ?

জগ । ওঃ বয়েসে বড় বলেই প্রণামটা করা হলো, ব্রাহ্মণ বলে নয় ?

ব্রজ । ব্রাহ্মণ কি আছে ভট্‌চায় মশায় ? ব্রাহ্মণ কাকে বলে ?

“ জাতমাত্রে ভবেৎ শূদ্রঃ,  
সংস্কারেণ ভবেদ্বিজঃ ।  
বেদপাঠে ভবেদ্বিপ্রঃ,  
ব্রহ্মং জানাতি ব্রাহ্মণঃ ॥ ”

তা মহাশয়ের বেদই বা কতদূর পড়া আছে, আর সেই পরব্রহ্মের বিষয়ই বা কতদূর জ্ঞানা হয়েছে ?—খালি পৈতে হলে কি হবে ?—তবে এত রাত্রে খবর কি ?

জগ । আপনারা হলেন নব্যদল, আপনাদের সঙ্গে আমরা পেরে উঠি কৈ বলুন । বগুচি কি, খবর ভাল, তবে আমার পরিবারের একটা সম্পর্কের ভগ্নীএসেচেন—

ব্রজ । ( অস্পষ্ট স্বরে ) সে ত আমি ।

জগ । আজ্ঞে কি বল্‌চেন ?

ব্রজ । না বলি, ভেঙে চুরেই বলুন, ব্যাপারখানা কি ?

জগ । ব্যাপারখানা—কিছু চাই আর কি । কারণ তাকে একটু ভাল করে জল টল খাওয়াতে হবে কি না । আমরা ঘরে খুদ সেদ্ধোই খাই, আর ছাই তন্দাই খাই ।



ব্রজ । (স্বগত) মদ কি, আমার টাকা নিয়ে আমাকেই খাওয়াবে (প্রকাশ্যে) তা আপনার কত হলে এখন হয় ?

জগ । আজ্ঞে টাকাটুকু হলেই ভাল হয় ।

ব্রজ । টাকাও আমার পকেটে আছে বোধ হয় (টাকা বাহির করিয়া) এই নেন, (স্বগত) এ টাকা তোমার তাঁকে দিভুম্, না হয় তোমাকেই দিলুম্ ।

জগ । আপনার একটা পুত্র সন্তান হোক আর কি আশী-  
র্বাদ করব ।

ব্রজ । (স্বগত) কিন্তু ষাপ বলবে তোমায় । (প্রকাশ্যে) মহাশয় ! আমরা একদিন প্রসাদ ট্রসাদ পাব না ?

জগ । বিলক্ষণ ! গেলেই পাবেন । আচ্ছা আমার ওখানে কাল আপনার মধ্যাহ্ন ভোজনের নিমন্ত্রণ রইল । এখন তারাও দু বোনেতে আছে, অনেক রকম পাকাদি করবে । যাবেন অতি অবিশ্বি ।

ব্রজ । সেকি, যাবনা ত কি ! আপনার বাড়ী আমার বাড়ী কি ভিন্ন ঠাওয়ারেন্ নাকি ? তবে মশায়ের পরিবার রাখেন্ কেমন্ ?

জগ । সে কালই জান্তে পার্বেন্ তবে আসি এখন বস্তুতে আজ্ঞা হয় । কারণ আমি গেলে তারা আবার আহালাদি করবে । তবে ঐ কথা রৈল ।

ব্রজ । আচ্ছা । আনুন্ তবে প্রণাম হই ।

[ জগন্নাথের প্রস্থান ।

নারাণে বেটা যা বলেছিল তা ঠিক । আহা সর-  
লার কি রূপ ! অতি চমৎকার দেখতে । সরলা  
অমন, আর এ বেটার ত ঐ স্ত্রী । তা ঠিক যেন  
বানরের হাতে মুক্তর মালা পড়েছে আর কি । যেন  
তেন প্রকারেণ আমাকে ঐ মুক্তরমালা ছড়াটি হরণ  
কত্বেই হবে । Any how I must have that gem.  
(নেপথ্যে দেখিয়া) এই গোমিশ বেটা আস্চে,  
ওকে নে একটু রং করা যাগ্ ।

( গোমিশের প্রবেশ । )

গোমি । Good evening young Babu !

ব্রজ । Good evening old Saheb ! (স্বগত) এ বেটা  
যে বড় ষনিফ্ট হয়েচে এর মানে কি ?

গোমি । Babu coming from church ?

ব্রজ । Yes from Brammo church. সাহেব ! টুপি  
গান টান জান ?

গোমি । হাঁ হামি জানে ।

ব্রজ । আম্ছা একটা গাও দেখি ।

গোমি । সে রোজ একটা যাট্রাওয়ংলার সাং ডেকা হলো  
টার কাছে এই গানটা শিখলো—

ভয়রা বি উলো মধু বি খালে ।

পৌদে নেতি বি মেরে তেড়িয়ে বি দেলে ॥

ব্রজ । বাহা বা ! বহুং আচ্ছা ! বেশ গান । এ গান কোন  
যাত্রাওয়ালার ঠেই শিখেচ সাহেব ?

গোমি । ঐ যে হামার মনে আস্টেচে না—আচ্ছা বল  
ডেকি টোমরা পাখী পড়ায় কি বলে ।

ব্রজ । কেন হরে কৃষ্ণ হরে কৃষ্ণ বলে ।

গোমি । হরেটে । আচ্ছা বোলো ত টোমাডের কৃষ্ণর  
জককে নাম কি আছে ।

ব্রজ । কেন—রাধিকে ।

গোমি । হাঁ হাঁ রাঢ়াকৃষ্ণ—আউর ইয়াদ নেই ।

ব্রজ । আচ্ছা সাহেব তুমি বই টই পড়ে থাক ।

গোমি । হাঁ হাঁ হরেচে হরেচে রাঢ়াকৃষ্ণ বৈ—ই—ই—ই—

ব্রজ । ওকি সাহেব তুমি রাগিনী ধল্লৈ নাকি ?

গোমি । হাঁ হাঁ ঠিক হরেচে । By you I have got it. I  
have caught the right sow by the ear.  
রাঢ়াকৃষ্ণ বৈরাগিনী ।

ব্রজ । গিনী নয় সাহেব । রাধাকৃষ্ণ বৈরাগী ।

গোমি । Yes babu ! that's it. ওরকে পাশ হাম এই গান  
শিখেচে ।

( সারীর প্রবেশ । )

সারী । দাদা বাবু ! একবার বাড়ীর মধ্যি উঠে এস ডাক্-  
ছেন । ( স্বগত ) ও বাবা ! সারোপ যে হাজির,  
যাই পালাই মা । আমি থাকলে আবার সেই বকম  
পেড়াপিড়ি করবে ।

ব্রহ্ম । সাহেব ! তবে এখন আমি বাড়ীর ভিতর যাবে,  
রাট হয়েছে গুড্‌নাইট ।

গোমি । টবে হামিও বাড়ী যাবে, গুড্‌নাইট ।

[ উভয়ের প্রস্থান ।

## ষষ্ঠ অঙ্ক ।

প্রথম গর্ভাঙ্ক ।

( সরলার গৃহ । )

সরলা আসীনা ।

## গীত ।

সর । রাগিনী বারোয়া, তাম্ব চুংরী ।

“আরে পরবশ মন ।

পরে জানিবে পর যে কেমন ॥

ছিছি মন পরেরি তরে, কি হবে যতন করে,

পরস্পরে হবে পরে, সদা জ্বালাতন ।

যে জন পরের লাগি, হয় সদা অনুরাগী,

হতে হয় দুঃখভাগী, যাবত জীবন ॥

পরাধীন মন যার, বাঁচিয়ে কি ফল তার,

বিনা দাহে অনিবার, দহে সেই জন ।”

( বৃক্ষান্তরালে জগন্নাথের প্রবেশ । )

জগ। ( অন্তরালে থাকিয়া ) বা লো হাবি, গান শিখলি কোথেকে ?

সর। ( লজ্জিতভাবে ) বলি এই দিকেই এস না, কোথা গিয়েছিলে ? আবার আড়াল থেকে টং করা হয়। কথায় বলে—

“কত সাধ যায় রে চিতে ।

মলের আগায় চুট্‌কি দিতে ॥”

জগ। ( নিকটে আসিয়া ) একবারেই চান্‌ টান্‌ করে এলুম্ আবার এস, আবার যাও, কে করে বাবা ? একে এই বুড় বয়েস ।

সর। তা বেশ করেচ ।

জগ। তাইত আমার এমনি পোড়া অদেফে যে—

সর। ( স্বগত ) কৈ পুড়ে যায় কৈ ? তা হলেই বাঁচি ।

জগ। তোর সেই তাঁর নামটী কি ভাল ?

সর। কেন ? — তার নাম দেখন্ হাঁসি ।

জগ। আহা বেশ নামটী ।

সর। কেন আমার নামটী বুঝি খারাপ্ ? ( অভিমানে )  
যাও ঢের হয়েছে আর নয় । ( অধোবদন )

জগ। ( সরলার চিবুক ধরিয়া ) না না তুমি আমার প্রাণের সরলা, তোমার নাম ষত দিক্টি লাগে তত কি আর কাকর নাম লাগে ? সরলা—সরলা—আহা এমন নাম কি আর হবে !

সর । আচ্ছা, আমার কষ্ট হলে কি তোমার গায়  
লাগে ?

জগ । লাগে না ?— তোমার কষ্ট দেখে আমি একবারে  
আঁৎকে উঠি । মনে নেই ? সেই যখন বাকণীতে  
গঙ্গাস্নান করতে গিয়ে তোমার পায়ে কাঁটা কুটে যায়,  
কিছুতেই বেকল না, তখন আমি দাঁত করে তুলে  
দিই, মনে পড়ে ?

সর । না তাই বল্চি, তা কি বল্ছেলে বলনা ।

জগ । বল্ছিলুম্ আমার এমনি পোড়া অদেফে যে আমাকে  
গরিব দেখে তোমার গঙ্গাজল আপনিই লজ্জায় চলে  
গেলেন্ একটা দিনও খেলেন না রইলেন না ।

সর । থাক্লে কোথা শুভ ?

জগ । কেন তোমাতে আর তাঁতে আমার বিছানায় শুভে,  
আর আমি আঁদাড়ে পঁদাড়ে যেখানে হোক এক  
যায়গায় পড়ে থাক্তুম্ ।

সর । তা কি হয়ে থাকে ?—( চিন্তা )

জগ । কি ভাবচ ?

সর । ভাব্চি যে এক দিন আমার গঙ্গাজলকে আপনি  
গিয়ে নিয়ে আস্বে !

জগ । হ্যাঁ বেশ বলেচ । তা কবে যাবে ?

সর । যে দিন সুবিদে হবে । কৈ—বেলা দুপুর হতে যায়  
যে, তোমার বেঞ্চে বারু কৈ ? এখনও এলেন্ না  
যে । রান্না বান্না গুলো যে নষ্ট হতে লাগ্লে গা ।

জগ । এই তিনি এলেন্ বলে । হ্যাঁ তাও ত বটে, বেলা ঢের হয়েছে ।

সর । তা একটু এগিয়ে দেখ্বে কি ?

জগ । তবে যুঝলি আমি একবার মামাবলিখানা গান্ন দিয়ে বেকই । এরই মধ্যে তিনি যদি এসে পড়েন্ তা হলে, তুমি রান্নাঘরে গিয়ে দাঁড়িও আর তিনি আমার বিছানার ওপরে বসবেন এখন ।

[ জগন্নাথের প্রস্থান ।

সর । (স্বগত) আঃ এবুড়োর আবার কারনা কারণ দেখেচ ? এদিকে নেই ওকি আছে । যাগ্ আজত বেশ ভাল করে রেঁ দিচি, দেখি তিনি খেয়ে কি বলেন্ । ওঃ বড্ড মনে পড়েচে । তাঁর দুধের সঙ্গে সেই জিনিষ্টা দিতে হবে, সেটা আর কোন্ কালের জন্তে ? সেটা মনে করেছিলুম্ যে, যদি মনের মতন স্বামী হয় তা হলে তাকে খাইয়ে আমার পাদকজল খাওরাব । তা ত এ পোড়া কপালে যুট্ ল না । এ বুড়োকে আর খাইয়ে কি হবে ? একে না খাইয়েও এম্নি করিচি যে, আমি উঠ্ তে বসে উঠে, আর শুতে বসে শোয় । তা হবে নাই বা কেন ? ওর বয়েস্ হলো আটেশরি আর আমি হলুম্ বোল্ বুল্ছরের গিন্নী, আবার তৃতীয় পক্ষের মাগ কেমন সুন্দরী । আমি আবার সুন্দরী নই ? বোধ হয় আমি বেজেন্ বাবুর মেগের কন্তে

বেশী বৃন্দাবনী । আজ আর তাঁর সঙ্গে কথাবার্তা হচ্ছে না, ভাল আর এক দিন ফিকির করা যাবে । ( নেপথ্যে দেখিরা ) ঐ যে বুড়ো, বাবুকে সঙ্গে করে নে আস্চে । তবে আমি ঐ দিকে যাই ।

[ সরলার প্রস্থান ।

( জগন্নাথ ও ব্রজেন্দ্রের প্রবেশ । )

ব্রজ । আজ ভোরে একবার বালিতে যেতে হয়েছিল । সেখান থেকে আসবার সময় ফার্ট ট্রেনটা মিস্ হয়ে গেল, তাই আসতে বড় লেট্ হলো । তা না হলে আরও আর্লি আসতে পারতাম্ ।

জগ । ব্রজ বাবু ! আপনার কথা আপনিই বুঝলেন, আমিও ইঞ্জিরি পড়িনি হে-হে-হে ( হাস্য )

ব্রজ । কেন ? আমি তো সবই বাংলা বল্লুম্ কেবল দুটো একটা ইংরিজি বালিচি বৈত নয় ?

জগ । ঐ দুটো একটা যে বুঝি দেন্, ঐতেই যে আমাদের চক্ষুস্থির ।

ব্রজ । তা যা হোক্ ওটা আমাদের ছাবিট্—মর অভ্যাস্ হয়ে গেছে । তা আপনাদের সঙ্গে এখন থেকে সাবধান হয়ে কথা কব্ । আমি বল্ছিলুম্ যে কলের গাড়ি পেলুম্ না, গাড়ি চলে গিয়েছিল, তাই আসতে দেরি হয়ে গেল ।



জগ। বটে? আচ্ছা আপনি বহুন্, আমি দেখি সব প্রস্তুত হলো কি না।

[ জগন্নাথের প্রস্থান ।

ব্রজ। (স্বগত) আজ্ঞে কোন সুবিধে দেখছি নে। ভাল আজ তার হাতের রান্নাটা খেয়ে যাই।

( জগন্নাথের পুনঃ প্রবেশ । )

জগ। তবে আসুন সব প্রস্তুত, ঐ পাকশালার সামনের ঐ দাওয়াতে খাবেন—ওহো রহুন, রহুন, আমি একটা কথা বলে আসি।

[ জগন্নাথের পুনঃ প্রস্থান ।

ব্রজ। (স্বগত) আজ্ঞে সরলাকে একবার দেখতেই হবে। অমন রূপ লাভ্য সে দিন সন্ধ্যার সময় ভাল করে দেখা হয় নি। আজ দিনের বেলা আসতে পেরেছি, আজ ঐ সুবিধেটা হারাই কেন? আজ দেখতে হবে আমার কামিনী ভাল, কি এ ভাল। কামিনীই আমার চোখে ভাল হওয়া উচিত। কি করি সে আমার হয়েও যে, আমার এখন থাকছে না। যা হোক এখন সরলাকে দেখি কেমন করে? হয়েছে, আমি প্রণামি দোবো কি না, তা ব্রাহ্মণকে বলা যাবে যে মশায়! একবার দেখা কত্তে হচ্ছে কারণ প্রণামিটে দিয়ে যেতে হবে। তা হলেই ব্রাহ্মণ শশব্যস্ত হয়ে, টাকার লোভে ব্রাহ্মণীকে আমার সামনে ধরে দেবে।

( জগন্নাথের পুনঃ প্রবেশ । )

জগ। মশায়! আহুন্ সব প্রস্তুত ।

ব্রজ। চলুন্ আপনাকে অনেক কষ্ট দেওয়া হলো ।

জগ। না কষ্ট আর কি—

[ উভয়ের প্রস্থান ।

দ্বিতীয় গর্ভাঙ্ক ।

( নফর বারুর বৈঠকখানা । )

( রতনের প্রবেশ । )

রত। ( স্বগত ) ভাই ত আমাদের বারু এত দিন বিদেশে  
রইলেন এতে আর কৰ্ম কাজ চলে কি রকমে ?  
আমি একলা আর ক দিক সামলাব । বেজেন বারু ত  
কিছুতেই নেই, আর শুনতে পাচ্ছি যে তাঁর চরিত্র-  
টাও এখন মন্দ হয়ে দাঁড়িয়েছে । উনি পাগ করবেন  
উনিই ভুগবেন আমাদের কোন কথার আবশ্যক  
নেই । আর বলতুম্ যদি উনি অবোধ হতেন্ । তা  
উনি ত অবোধ নন্ । ইন্টেন্সো পাস্, বুজ্জিমান,  
এমন কি দুই এক খানা কেতাবও লিখেছেন, আর  
তাতে কবিতাশক্তিও বেশ প্রকাশ পেয়েছে ।

এমন জানবান হয়েও কুপথগামী হবেন, তা আর কি করব ? আবার তাও বলি গুঁরও সম্পূর্ণ দোষ দিতে পারিনে, আমাদের কর্তা বাবুরও অনেকটা দোষ আছে । ভাল মে যাক—এ ফিরিঙ্গি বেটা প্রত্যহ যে আনাগোনা করে এটাও ত বড় ভাল বুঝিনি, তা আমি কি করব ? বাবু পাইতাল যাবার সময় আমাকে বলে গেছেন যে সাহেব এলে পর খুব খাতির টাতির কর, তা সাহেব যে ভেতরে ভেতরে কি খাদ্রি খুড়্‌চেন্‌ তার ত কিছু ঠিক নেই । ব্রজেন বাবু ত বাড়ীর ভেতরের খবর কিছুই নেন্ না । আহা তাঁর মাতার কাল হওয়া অবধি আর কর্তার পুনরায় বিবাহ করা অবধি তিনি যেন কেমন এক রকমই হয়ে গেছেন । আমরা ত বাবুর সঙ্গে অনেক যুজ্জে ছিলাম্, যে বাবু ! এ বয়েসে আর বিবাহ করবেন্ না, আবশ্যক কি ? এমন সোণার চাঁদ ছেলে রয়েছে, গুঁরই বিবাহ দিন, দিয়ে স্বচ্ছন্দে বৌ বেটা নিয়ে ঘর-কন্না করন্ । তাতে বাবু হেঁসে বজ্জেন্ কি, আরে সরকার ! বোঝনা, আর কিছু হোক্ না হোক্, পানটা জলটাও ত দেবে । তা গিগ্নি এই বারেই কুলে জল দেবেন তা'র আর চিন্তা নেই । কর্তার ঠাকুর থাকতে কেমন স্মৃথের সংসার ছিল, আমরাও ত আজকের লোক নই । তা এই বোধ হয়, পতনের পূর্বলক্ষণ—( দূরে অবলোকন করিয়া )

কে ওটা ? ডাকের পেয়াদা না ? বোধ হয় পাইতাল থেকেই পত্র আস্চে ।

( পেয়াদার প্রবেশ ও পত্র প্রদান  
করিয়া প্রস্থান । )

( পত্র পাঠ করিয়া ) ইস্ ! বাবুর আবার সেতা উৎ-  
কট বিয়ারাম, তাই ত, তবে বোধ হয় আরও কিছু  
দিন আসা হুচে না । আর আমাকে এক বোতল  
পোর্ট নিয়ে যেতে বলেচেন্ । কি পোর্টের নাম  
লিখে দিয়েচেন ? ( পত্র দেখিয়া ) কি—রেসব্‌সেন—  
না রবার্টস্‌নপোর্ট । আমাকে পত্রপাঠমাত্রেই আস্চে  
বলেচেন্ । আমি গেলেই ত প্রমাদ দেখ্চি । যাই এটা  
একবার বাড়ীর ভেতরে পড়ে শোনাই গে । তার  
পর লক্ষ্মীপূজটা করে আজ রাত্তিরেই রওনা হব ।

[ রতনের প্রস্থান ।

( ব্রজেন্দ্রের প্রবেশ । )

ব্রজ । ( স্বগত ) নারাগে যা বলে গেল তাতে করে সর-  
লাকে খুব বুদ্ধিমতী বলতে হবে । গঙ্গাজলকে আন্-  
বার ছলে আমাকেই নিয়ে যাবে । আর বুড়বেটাকে  
সে রাত্তিরে বাড়ী থেকে তাড়াবে । বুড়কে বলবে  
“ তোমার রান্নাঘরে শুলে অস্ব্‌থ করবে, তা তুমি  
কেন বাবুদের বাড়ী গিয়ে কর্তাবাবুর বৈঠকখানায়  
শোওনা ”, তা বেটা বোধ হয় এই বৈঠকখানায়

কাল শোবে । যা হোক কাল একটু আমাকে ফিট্-ফাট্ হয়ে যেতে হবে । আর তার কাছে দুই একটা ভাল কবিতাও বলতে হবে । আর জগন্নাথের কাছেও শুনিছি যে সরলাও বেশ কবিতা রচনা করতে পারে । তা বেশ হবে এখন । এখন আজকের রাতটা কেটে গেলে বাঁচি । হুঁ ভাল মনে পড়েচে, এ সাহেব বেটার ত ভাল গতিক দেখ্চিনে, বেটা কোন রকম গোলযোগ বাদিয়েচে, কি বাদাবার যোগাড়ে আছে । একদিন একটু কোন অকুশ পেলেন হয়, তা হলেই বেটাকে আচ্ছা করে উত্তম মধ্যম দিতে হবে । আমি বেটাকে প্রথম দেখেই চিনিচি । যাই এখন একটু বাগানটার বেড়াই গে—

[ ব্রজেন্দ্রের প্রস্থান ।

( রতনের পুনঃ প্রবেশ । )

রত । ( স্বগত ) কৈ—পত্র শুনে গিন্নি ত বড় দুঃখিত হলেন না, যেন কিছু খুসি খুসি বোধ হলো । কি হলো ? এর ভাব ত কিছুই বুঝতে পাচ্চিনে । যা হোক ফিরিজি বেটাই মজা লুট্চে । যাক্ বাপু আমাদের কোন কথা কয়ে কায নাই । বড় ঘরের বড় কথা, কি জানি । পাপ করবে যারা ভুগে মরবে তারা । আমাদের পরমেশ্বর চোক দিয়েছেন তাই দেখ্বে এই মাত্র, তার পর, যে আগুণ খাবে সে আংরা হাগ্বে,

তা আমাদের কি ? যাই এখন একবার রান্নাঘরে ভাত হলো কি না দেখি। আবার এই রাত্তিরে ত বেকতে হবে। হু চারটে টাকাও সঙ্গে রাখতে হবে। কি জানি যদি কিছু বিপদ ঘটে, টাকাটা সঙ্গে থাকা আবশ্যিক।

( সারীর প্রবেশ । )

সারী । কৈ গো সন্কার মশায় ! তুমি এখানে ? আর আমি সাত মুড় ছিফি চাকলা খুঁজে খুঁজে হাল্লাক হনু । বলি ভাত হয়েছে যে, তোমার জন্তে যে আমরা কেউ খেতে পাচ্চিনে, শীর্ণগ করে এস ।

রত । কৈ এখনও ত রাত হয়নি ।

সারী । ওমা রাত হয়নি কি গো ! কোন্ কালে ছর্ষাড়ি পড়ে গেছে যে, আর কত রাত পর্যন্ত তোমার জন্তে বামুনদিদি হেঁসেল নে বস্ থাকবে ? আমাদের আবার এই অন্ধকারকে বাঁসায় যেতি হবে ।

রত । আস্থা চল যাচ্চি ।

[ উভয়ের প্রস্থান ।

—

## দশম অঙ্ক ।



প্রথম গর্ভাঙ্ক ।

(বিন্দুর গৃহ ।)

(বিন্দু ও সারীর প্রবেশ ।)

বিন্দু । কৈলো ? এখনও যে আস্চে না, রাত প্রায় দশটা  
বাজে যে ।

সারী । আস্বে বৈকি । কাল সাড়ে বার গণ্ডা টাকা দিয়ে  
গেচে । তা সে কি টাকাগুল অম্নি ছেড়ে দে  
যাবে ? তার সুদ আদায় কর্বে না ? তেমন ছেলে  
নয়, তা আমি বাইরে গিয়ে দেখ্ব একবার ?

বিন্দু । হ্যাঁ যা, সে এলে পরে তুই সঙ্গে করে আন্বি ।

[সারীর প্রস্থান ।

বিন্দু । (স্বগত) আজ ত ডাকের চিঠি এল, কর্তার ভারি  
বিয়ারাম, এখন আর শীগির আস্চে হবে না ।  
আর রতনটাও আজ চলে গেচে । তা বেশ হয়েছে ।  
বেজা ছোঁড়াও প্রায় বাড়ীতে থাকে না । এসব  
সুবিদে ওপরওয়লা না করে দিলে কি হয় ? যা  
হোক ও সাহেবের ঠেই আর কিছু নিয়ে শেষে  
কোন রকম করে তাড়িয়ে দোবো । এখন দুদিকই  
চলবে । মন্দ কি ? কিন্তু এটা কেও জান্তে পাল্লেই

সৰ্বনাশ । তা কে আর জান্বে ? এখন বৌমাটা-  
কেও আর কিছু দিন আন্ব না । তা হলেই সব  
ঠিক হবে । কারণ, কামিনী এলেই, বেজা ছোঁড়া  
রাত দিন বাড়ীতে থাকবে । তা হলেই পেরমাদ ।  
আমার আবার ডান্ চোকটা নাচে কেন ? এ  
আবার কি পোড়া ! তা ডান্ চোক্ নাচলেই যে  
কোন ব্যাঘাত হয়, তার কোন মানে নেই কারণ,  
আমার বেশ মনে আছে, আমার মেজ খুড়ি  
আমাকে একদিন বলেছিল যে, “দেখ্ বিন্দু ! আমার  
আজ ডান চোকটা নাচে তা বোধ হয় কোন  
অনিষ্ট হবে”, ওমা ! তার খানিকবাদেই ব্যথা হলো,  
হলে পরেতেই এক সোণার চাঁদ ছেলে বিউল ।  
এতে তার আর ব্যাঘাত কি হলো ? বরং ভালই  
হলো ।—ঐ যে সাহেবকে নে সারী আস্চে ।—

( গোমিশের প্রবেশ । )

সারী । এই নাও তোমার সাহেবকে নাও ।

গোমি । বিবি ! আজ আস্চে খোড়া রাত হয়েছে তা কিছু  
মনে করবে না । এই তোমার জন্তে কেমন কুলের  
তোড়া এনেচে দেখ দেখি । এ হামি আপনার  
হাতে বেনিয়ে এনেচে ।

বিন্দু । হ্যাঁ বেশ তোড়া । আচ্ছা সাহেব ! তুমি যে এত  
দিন আস্চ, তা তোমার বৌ কিছু বলে না, যে এত  
রাত পর্যন্ত কোথায় থাকে ?—



গোমি । না সে কিছু বলে না । সে যে জানতে পারে না ।

একটা লাচঘর আছে জানো ?—

সারী । সেই মা, আমরা কালিঘাট যেতে দেখে এইটি—

গোমি । হাঁ—তা তারই একজন ম্যানেজারের সাং হামার  
জরুর বড় দস্তি আছে ।—

বিন্দু । (স্বগত) তোমার সঙ্গে আমার যেমন আলাপ  
আছে, সেই রকম নাকি ?

গোমি । তাই সেই আদর্শী রোজ রাত বেলা হামার জরুরকে  
অমনি লাচ দেখাতে লিয়ে যায় । সে লাচ দেখে  
বারটার সময় করে আসে । তার আগে হামি  
এখানে থেকে গিয়ে শুয়ে থাকে, হামারকে সে  
বকবে কি ? হামি আরও তাকে বকে যে, এংনা  
রাত হুয়া কাহে ?—

বিন্দু । ওঃ তুমি এমন তর সাহেব ! আচ্ছা তোমার ত  
বৌএর ওপর খুব বিশ্বাস ?

গোমি । তা হামার জরুর অমন গিয়ে থাকে—বিবি ! হামি  
আজ একটা নতুন গান বেঁদেচে ।

বিন্দু । কি গান বলনা ।

গোমি । বল্চি—

“পেরেম কি অমূল্য রটন--”

বিন্দু । ওঃ ! ওগান ত অনেক দিনের পুরণ, আমরাও জানি ।

গোমি । (স্বগত) তবে আর নতুন গান কৈ ?—(প্রকাশ্যে)  
আচ্ছা এটা ?—“মদন আগুন দ্বিগুণ হলো—”

সারী । —“ কি গুণ কল্যে ঐ বিদেশী—”

বিন্দু । “ ইচ্ছে হয় গো উহার করে প্রাণ সঁপি গে হইগে দাসী । ”

গোমি । তাইত তোমরা যে সব জ্ঞান দেখ্চি ?—

নেপথ্যে । মা—মা !—

বিন্দু । ঐ গো ! বেজ আস্চে সাহেব ! শীগির করে খাটের নিচে মুকোও । নড়ো চড়ো না ।

( গোমিশের তথা করণ )

( ব্রজেন্দ্রের প্রবেশ । )

ব্রজ । শীগির করে একবার কানেশ্বারার চাবিটে দাও দেখি, আমার দরকার আছে—

বিন্দু । এই নাও—তবে আজ রাত্তিরে তোমার কাছেই রেখো—

ব্রজ । আচ্ছা ।

[ ব্রজেন্দ্রের প্রস্থান ।

গোমি । ( খাটের নিম্ন হইতে বাহির হইয়া ) বিবি ! তবে আচ্ছা যাই । আবার কাল আস্বে ।

বিন্দু । কেন সাহেব ! ভয় কি ?

গোমি । নাঃ ভয় কি ! আমার আজ একটু অসুখ আছে ।

বিন্দু । আচ্ছা তবে আজ এস ।

গোমি । গুডনাইট । ভাল রাত্তির ।

[ গোমিশের প্রস্থান ।

সারী । ভাল রাত্রির কাল হয়ে গেল যে সাএপ্! মা! চল  
 আমরা দেখিগে বেজেন্ বাবু কি বের করে নিচ্ছে ।  
 বিস্ । হ্যা চল দেখতে হবে, কি আবার নিয়ে যাচ্ছে ।  
 [ উভয়ের প্রস্থান ।

### দ্বিতীয় গর্ভাঙ্ক ।

( নরনার গৃহ )

সরলা ও জগন্নাথ আসীন ।

সর । তবে তুমি এইবারে বাবুর বাড়ী যাও, তুমি না গেলে  
 আমার গঙ্গাজলত আর হেথা আসবে না—এই তার  
 আসবার সময় হয়েছে । ( নেপথ্যে দেখিয়া ) উঃ !  
 উদিগটাতে কি মেঘ তুলেচে দেখেচ ! এখনি আবার  
 বৃষ্টি টিষ্টি আসবে, এই বেলা যাও ।—

জগ । ( স্বগত ) একবার তাকে দেখতে পেলুম্ না, কি  
 রকম গঙ্গাজল—( প্রকাশ্যে ) এই যাই রাতও হয়েছে  
 বটে, তবে তুমি তাকে ভাল করে খাইও দাইও ।

সর । তা মনের সাধে খাওয়াব, সে আর তোমাকে বলতে  
 হবে না ।

[ জগন্নাথের প্রস্থান ।

সর । ( স্বগত ) তোমাকে যা কখন খাওয়াইনি, তাও তাঁকে  
 খাওয়াব । তাঁকে এই অধরায়ুত পান করাব । ঐবৎ

হাস্য করিয়া ) কি আপদ একি স্বামী স্ত্রী সম্বন্ধ ! না বলতে মুখে বাদে—পিতা তনয়া সম্বন্ধ ! না যা হতে পারে, দাদা নাৎনি সম্বন্ধ ! আঃ ! এ মুখপোড়া বাওয়াতে যেন পাপ বিদেয় হলো । হাড়ে বাতাস লাগল । এখন একবার আমার প্রাণের গঙ্গাজলকে পেলেই বতাই । গঙ্গাজল এসে আমার স্পর্শ কলেই আমার দেহ পবিত্র হয়, পাপ থাকলে কি গঙ্গা পাওয়া যায় ? তা এখন ত পাপ বিদেয় হলো তবু কেন গঙ্গাজল আস্‌চেন না ? যদি না আসেন আজ তবে ত এই রাতেই—না এত শীগির !—হ্যাঁ এত শীগিরই আমার গঙ্গালাভ হবে । তিনি যদিও আসেন তা হলেও বা গঙ্গালাভের আটক কি ? এ যে কাজ তাতে ত প্রাণ হাতে করেই থাকতে হয় । ( অম্প অম্প রোদন ) কোথায় বাবা ! তুমি এখন কোথায় ? তোমার যে এত আদরের মেয়ে আমি, একটা বুড় বাহুলের হাতে আমাকে সাঁপে দিয়ে এখন কি নিশ্চিত হয়ে আছ ? আমি তখন শিশু ছিলাম, কিছই বুঝতে পারতাম না, তুমি জানী হয়ে কি বলে এই বালিকার মাথায় এই বজ্র ঝুলিয়ে বেখেছিলে ? তুমি কি জানতে না যে, দুই এক বছর পরে এই বজ্র আমার মাথায় পড়বে ? ( ছুরিকা বাহির করিয়া ) এই যে ইনিই ত সকল পাপ বিনাশ করতে পারে । ( কপট হাস্য করিয়া ) বাঃ ! প্রদীপের

আলোতে ইনি কেমন চক্ চক্ কচ্চেন্ বাঃ ! একবার এমনি করে বুকে বসিয়ে দিতে পাজ্জেই হলো, তা হলেই আর এ মুখ কথা কইতে পারবে না, এ চক্ষু পর পুরুষকে দেখতে পাবে না, এই হস্ত আর কোন কুর্কর্ম কতে পারবে না, আর এই মনও কোন কুচিন্তা কতে পারবে না—সকলই নিঃস্পন্দ হবে। কিন্তু এখন নয়, আগে মনের বাসনা পূর্ণ করি। আগে পাপ চারপো হোক। (রোদন)

( ব্রজেশ্বরের প্রবেশ । )

সর। ( অতি শীঘ্র চক্ষুজল মার্জন করিয়া ) আহুন মশাই আহুন। ( আমন প্রদান )

ব্রজ। থাক্ থাক্ তোমাকে আর অত কষ্ট কতে হবে না, বিনা অভ্যর্থনাতেই যথেষ্ট আদর প্রকাশ হতেছে। কৈ তোমার গদ্বাজল কৈ ? যদি বল আমি, তা হলে তুমিও আমার গদ্বাজল, আর আমিও তোমার গদ্বাজল।

সর। ( ঈষৎ হাস্য করিয়া ) আচ্ছা আপনি কি আমায় ভাল বাসেন ?

ব্রজ। প্রাণের সরলা—উঁহুঁ প্রাণের গদ্বাজল—আর কি বলে ডাকলে তোমাকে ভাল বাসা হয় ?—

সর। না, আপনি আমাকে শুধু সরলা বলে ডাকলেই আমার মনে ভাল লাগে।

ব্রজ । আচ্ছা তাই বলেই ডাক্ব । সরলা ! কি বল্যে আমি তোমায় ভাল বাসিনে ? দেখ মহাদেব গঙ্গাকে যেমন জটার মধ্যে রেখেছিল, তেমনি আমি তোমায় আমার হৃদয় মধ্যে রাখ্ব । গঙ্গা আবার বেরিয়ে পড়েছিল, কিন্তু তোমাকে আর বেরোতে দোবো না, হৃদয়ের ভিতরে চাবি দিয়ে রেখে দোবো ।—

সর । (ঈষৎ হাস্য করিয়া) অভাগিনীর উপর এত অনুগ্রহ !

ব্রজ । আমার না তোমার ?

সর । তাঁর সঙ্গে পথে দেখা হয়েছিল ?

ব্রজ । হাঁ, দেখ্লেম্ ব্রাহ্মণ আমাদের বাড়ী বাচে, আর আমি অম্নি পাশ কাটিয়ে চলে এলেম্, আর যে মেধ করেছে —

সর । আপ্নাকে দেখ্তে পান্নি বোধ হয় ?—

ব্রজ । নাঃ, দেখ্বার যো কি ?—হাঁ ভাল মনে,—তুমি না বেশ কবিতা রচনা কত্তে পার ?

সর । আমি না আপ্নি ? আমি আপ্নার “কবিতা-লহরী” পড়িচি । তা এখন ধত্তে গেলে “কবিতা-লহরী” আমারই রচিত, কারণ, আমি আর আপ্নি একই ।

ব্রজ । আচ্ছা, এস দেখি তবে দুজনে বসন্ত বর্ণনা করি, কার জিত কার হার হয় ।

সর । আমারই হার হবে ।

- ব্রজ । না আমার হার হবে ।
- সর । তবে কি আপনি আমার হার হবে না ?
- ব্রজ । ওঃ তাই বল, তুমি যে খুব রসিকা দেখ্‌চি । তুমি কথা খুব জ্ঞান । এতে তোমাকে পারবার যো নাই ।
- সর । (স্বগত) কিসেই বা আমাকে পার ? (প্রকাশ্যে)  
আচ্ছা আসুন বসন্ত বর্ণনা করি ।—
- ব্রজ । তুমি আগে আরম্ভ কর —
- সর । সে কি মশাই ! এ কেমন ধারা কথা হলো ! আমরা মেয়ে মানুষ, আমরা কি কিছু আগে আরম্ভ করতে পারি ? জানেন ত “বুক ফাটে ত মুখ ফুটে না”
- ব্রজ । আচ্ছা তবে আমিই আরম্ভ করি কিন্তু তোমাকেও বলতে হবে । (হাস্য)
- সর । আচ্ছা, যদি আমার যোগায় ।
- ব্রজ । “শীত ফুরোল, দুখ পালাল, এল সুখের মধু ।
- সর । “মলয় বায়ে যায় চলিয়ে, যত কুলের বধু ॥  
কিন্তু মশায় ! আমার একটু বিলম্ব হবে যেতে—
- ব্রজ । আঃ তা হোক—  
“নদীর তীরে, ধারে ধারে, কমল ফুটেচে ।
- সর । “কূলে কূলে, দলে দলে, ভ্রমর যুটেচে ॥
- ব্রজ । “দেখ্‌লো ধনি, বিধুবদনি, প্রেমের চতুর খেলা ।
- সর । “বস্‌লো অলি, কমল কলি, কাঁপলো কমলবালা ॥
- ব্রজ । “অগ্নি জ্বরে ডানার ভরে উড়লো চতুর অলি ।

- সর । “ধীরে ধীরে স্বচ্ছ নীরে ধাম্ভলো কমল কলি ॥
- ব্রজ । “অম্বনি এসে, ভ্রমর বসে, অম্বনি কমল কাঁপে ।
- সর । “বেগে অম্বনি, ছেড়ে নলিনী, অলিন প্রমাদ মাপে ॥
- ব্রজ । “বঞ্জু বনে, বধু সনে, কোকিল করে গান ।
- সর । “দূর নিব্বরে, ধীরে ধীরে, দিচ্ছে যেন তান ॥
- ব্রজ । “হেরে মধু, কোক-বধু, কাঁদে বিকল মন ।
- সর । “নদীর পারে, পুলিন ধারে, হুচে বিচেতন ॥
- ব্রজ । “হেন কালে, বহে চলে, জ্বোরে মলয় বায় ।
- সর । “জ্বোরে উড়ে, এলো ধারে, চক্রবাক তায় ॥
- ব্রজ । “প্রিয় সঞ্জে, এলো রঞ্জে, সৃগ-বধু তীরে ।
- সর । “স্বচ্ছ নীরে, নয়ন হেরে, নিশ্চন্দ নলিনীরে ॥
- ব্রজ । কাঁপলো দল, উঠল জল, পাতার পাশে তার ।
- সর । “রাশি রাশি, মুক্তা আসি, খেলে চপল হার ” ॥
- ব্রজ । বাঃ ! তোমার ত বেশ রচনা শক্তি আছে !—
- সর । আর আপনার বুঝি কিছু নাই ?
- ব্রজ । আচ্ছা এস এটা শেষ করে দিই ।
- “বিকেল বেলায়, বিমল শোভায়, গেল স্মৃথের মধু ।
- সর । “বিষাদিনীর, বিরহিনীর, মনের দুখে শুধু,—
- সখি ! মনের দুখে শুধু” ॥
- ব্রজ । যা হোক তোমার রচনাশক্তিটা খুব প্রশংসনীয় ।
- সর । সকলই আপনার অনুগ্রহ—আজ লেখা পড়া শেখ-  
বার শ্রম সার্থক হলো ( স্বগত ) হীরেতেই হীরে  
কাটে ।



- ব্রজ । তোমার জন্মে কেমন কর্ণফুল এনেছি দেখেচ ? এস  
পরিবে দি । ( কর্ণে কর্ণফুল পরাইয়া দেওন )
- সর । ( স্বগত ) একি ! এঁর হাত আমার গায়ে স্পর্শ হবা  
মাত্রে আমার সর্বাঙ্গ কেঁপে উঠলো যে ! ইনি  
আমার এ ভাব জানতে পেরে বোধ হয় মনে মনে  
হাঁসছেন ।
- ব্রজ । তোমাকে কর্ণফুল পরিবে দিয়ে যে কিছু বেশী  
শোভা হলো, তা নয় । তোমার গায়ে কত শত  
বিকসিত পদ্মফুল রয়েছে ।
- সর । তা আপনি ত বলবেনই । আপনি আজ ব্রাহ্ম-  
সভায় যান নি ?—
- ব্রজ । ব্রাহ্ম সমাজে গিয়ে চক্ষু মুদে তোমাকেই ধ্যান করি,  
এ না হয় মুক্তিমতী দেবীকে ফুল দিয়ে পূজ কর্চি ।
- সর । ( স্বগত ) আহা ! এমন স্বামী যেন স্ত্রীলোকে জন্ম  
জন্ম পায় ।
- ব্রজ । কেমন সরলা ! এটা ভাল নয় ?
- সর । ( ঈষৎ হাস্য করিয়া ) আপনার যেমন অভিকচি—  
আপনার আহারাদির যৎকিঞ্চিৎ আয়োজন করিচি  
তা আপনাকে একবার উঠতে হবে ।
- ব্রজ । আর সে সব থাক্ । আশ্রিত আহারাদি করে  
এসিচি ।
- সর । ( ব্রজেশ্বরের হস্ত ধারণ করিয়া ) না তা হবে না,  
আমার এ কথাটা আপনাকে রাখতেই হবে ।

ব্রজ । আচ্ছা তোমার কথা আমার শিরোধার্য্য ।

সর । তবে এই দিকে আসুন ।

ব্রজ । চল ।

[ উভয়ের প্রস্থান ।

### তৃতীয় গর্ভাঙ্ক ।

( সরসার গৃহের সম্মুখবর্তী পথ )

( ঘন ঘন বিদ্যুৎ ও বজ্রাধাত )

( জগন্নাথের প্রবেশ । )

জগ । ( স্বগত ) একি হলো ! একি দৈববাণী হলো, না আমি স্বপ্ন দেখলেম্ ? আমার কানে কানে ঠিক যেন কে বলে দিলে যে “জগন্নাথ ! দেখগে তোমার কুর্টারে সর্বনাশ উপস্থিত সরলাই এর মূল” । এ শুনে কি আমি আর সেথা ঘুমতে পারি ?—আমাকে কাজেকাজেই উঠে আনতে হলো । প্রথমে মনে হলো যেন আমার ঘরে চুরি ডাকাতি হচ্ছে । কিন্তু যখন—“সরলাই এর মূল”—এই কথাটা মনে হয় তখন আর চুরি ডাকাতি কেমন করে বলি ? আর আমার ঘরে আছেই বা কি ? আর নেই বা কি ?—সরলাই যে এক অমূল্য নিধি, সে নিধি চুরি

## গুপ্ত বৃন্দাবন !

কর্ত্তে অনেক চোরই আসতে পারে। আচ্ছা ভাল, “সরলাই এর মূল” এরই বা অর্থ কি? সরলা কি কুচরিত্রা হবে?—বাইরে ত বোধ হয় না। কিন্তু ভেতরে যে ওর মনে কি আছে, তা ওই জানে আর যিনি অন্তর্ধামী তিনিই জানেন। আমাকে বাইরে ত খুব স্নেহ ভক্তি করে, যখন বাপকে—বিষ্ণু!—স্বামীকে কর্ত্তে হয়। কিন্তু লোকে বলে “অতি ভক্তি চোরের লক্ষণ”। তা সরলা কেন কুচরিত্রা হবে? আনিত তাকে ভাল বাসতে ক্রটি করিনে। এমন কি, তার মন রক্তের জন্তে আমার চণ্ডীর পুথি খান বেচে তাকে “কামিনীকুমার” কিনে দিগিছি। অথ বারে বা হোক পূজার সময়টা গোলে হরিবোল দিয়ে চণ্ডী পাঠটা কর্ত্তে, এবার দেখ্‌চি তাও কপালে হবেনা। আর বাকি যা সেকলে চাকু-দাদার আমলের পুথি গুলো আছে তাও কবে আবার বেচে বলে দেখ। সে গুল থাকলে আর কিছু হোক না হোক কাঠের স্তম্বটাও ত হতে পারে। (কপালে করাঘাত করিয়া) হায়রে সরলা! তোর জন্তে এই বুড় পাগল! তোর বাপ তোঁবি নাম “সরলা” রেখেছিল কেন? তুইত সরলা কখনই নোস্।

(প্রবল ঝটিকার সহিত বৃষ্টিপাত)

এঃ! আবার বৃষ্টি এলো যে কি করি তাইত! (নামা-

বলির দ্বারা মস্তক আবরণ) এ যে বিবম সঙ্কটে পড়িলেম—( মেঘগর্জন ও বজ্রাঘাত ) উঃ আবার এই সময় বজ্রাঘাত ! কি ভয়ানক রাত্তির ! তা আমার মাতায় কোন্ একটা বাজ পড়ে, তা হলে যে সকল ভাবনাই চুকে যায় । আমি বুড় বয়েসে কোথা হরিনাম করব, তা না হয়ে কিনা, ঐ সরলা কার সঙ্গে কথা কচ্চে—ঐ সরলা কাদের বাড়ী বেড়াতে গেল—ঐ সরলা কার পানে চাইলে— এই তদারক কত্তে কত্তেই হ্যাপাতে আমার প্রাণটা দেরিয়ে গেল । ( বেগে বৃষ্টিপতন ) এই রে চেপে এল ! গার পারিনে এখন কি করি ? যদি তার সেই গঙ্গাজল এসে থাকে তা হলে আমি হটাৎ ঘরে ঢুকলে পরে সে মনে করবে কি ? বলবে বুড় পাগল হয়েছে । আর বোধ হয়—বোধ হয় কেন—সে ঠিকই এসেচে । তা নইলে সরলা কি একলা ঘবে ঘুমচ্ছে ? ওর কি এত সাহস হবে ? না—তা হলে না—কারণ আমি একদিন রাত্তিরে ওকে রান্নাঘরের ঝাঁপ বন্দ করে আসতে বলি, তাতে সে বলেছিল “ বাঃ আমি বুঝি এই রাত্তিরে একলা ঝাঁপ বন্দ করে আসব ? তোমার কি একটু বিবেচনা নেই ? ” এঃ কি দুর্ভোগ ! ভিজ্ঞে মলেম যে । আমি যে উভয় সঙ্কটে পড়িলেম দেখিচি । দোর ঠেলেতেও পারিনে আর না ঠেলেও আর দাঁড়াতে পারিনে । তবে

দোর ঠেলুব কি?—না—কিন্তু এরকম করে আর  
 কাঁহাতক ভিজব? একে কেশো রোগী। দেখি  
 জানলাতে কান পেতে ওরা দুজনে কি কথা বার্তা  
 কছে। (জানলায় কর্ণ পাতিয়া সচকিতে) ইস্!  
 একি আমার স্বপ্ন সত্য হলো নাকি! এ ঘরে  
 তামাক খায় কে? এত ভাল লক্ষণ নয়। ঘরের  
 প্রদীপটাও নিবে গেছে যে, তা নইলে দেখতুম্ কে  
 তামাক খায়। যদি ওর গদ্যাজল এসে থাকে, তা  
 সে কি তামাক খাবে? তা কখনই হতে পারে না  
 (বেগে বৃষ্টিপতন ● এক একটা শিলাপতন) আবে  
 মলো আবার শিল পড়ে যে, কি বিপদ! এ দুর্ভোগ  
 কি আমার জন্মেই নাকি? মনে বড় সন্দেহ হচ্ছে।  
 আর না, ডাকা যাগ্—(প্রকাশ্যে)। ওরে একবার  
 শীগির দরজা খোল্ আমি ভিজ্জে মলেম্।—

নেপথ্যে। কেন—আবার ফিরে এলে কেন এত রুষ্টিতে,  
 কি দর—কার—অঁগা—?

জগ। আঃ কি আপদ খোলই না ছাই, তার পর জিগেস  
 করিস্ কি দ-র-কা-র-অঁগা—মাতায় শিল পড়ে মাতা  
 ফুট হয়ে গেল, একে নেড়া মাতা। আমরা এখনও  
 সাড়া শব্দ নেই—তুই দরজা খুল্লিনে? আচ্ছা—(দর-  
 জায় পদাঘাত) ওরে আম্চিস্ কি? আবে গেল  
 উত্তর নেই যে! (সকোপে দরজায় পদাঘাত ও দ্বার  
 খুলিয়া সরলার গৃহ দৃশ্যমান) শীগির পিদিম্ জাল,

আমার দরকার আছে । ( সরলার প্রদীপ জ্বালা )  
এ ঘরে তামাক খাচ্ছেল কে ? ঠিক করে বল ।

সর । ( স্বগত ) এখন কি করি ? আপন যুতুর পথ চিন্তা  
করি । আর কেন ? এ জীবন ত অপবিত্র হলো,  
এ জীবনে আর কায় কি ?

জগ । তুই বল্লিনে ? রস্ তবে আমি খুঁজে দেখি—  
( প্রদীপ লইয়া অন্বেষণ )

সর । ( স্বগত ) কিন্তু মরবার আগে এ বুড়কে কিছু শিক্ষা  
দিতে হবে । আমি মলে যেন আবার না বিবাহ  
করে ।

জগ । কোথায় লুকোবে তুমি ? ( শুনিয়া ) ঐ যে কে  
কাশলে ! ( ব্রজেন্দ্রের স্ত্রীবেশে পলায়ন ) ঐরে  
ঐরে পাসাল রে ! ধর্ ধর্ ও পাছারাওয়াল !  
পাক্‌ড়ো পাক্‌ড়ো, হামারা ছাবেলিমে চুরি এবং  
ধরমনাশ কিয়া হ্যায়, পাক্‌ড়ো পাক্‌ড়ো—( চিন্তা  
করিয়া ) আচ্ছা ওটাকে যেন মেয়েমানুষের মত  
দেখলুম যে, ঘোমটা দিয়ে পালাল, কিন্তু যেন দাড়ি  
দেখতে পেলুম্ । না ও পুকষই বটে । ( সরলার  
প্রতি ) ও কে বল্ শীগির করে হারামজাদী ! তা  
নইলে আজ তুই আচিস্ আর আমি আছি ।

সর । ( সদর্পে দণ্ডায়মানা হইয়া ) উনি আমার  
প্রাণেশ্বর—

জগ । ( সকোপে ) মুখ ছোট কর হারামজাদী !—আমার

সঙ্গে চোপা ! আমার সঙ্গে সমান উত্তর ! তুই কি আমার যোগ্য ?

সর । (সদর্পে) মুখ ! যদি তোমার সে জ্ঞান আছে, তবে তুমি আমার বিবাহ করেছিলে কেন ?

জগ । (সকোপে) ফের ! চুপ্ করে থাক্ বল্চি—

সর । (সদর্পে) সে তোমায় বলে দিতে হবে না, এই মুহূর্ত্তেই জন্মের মতন চুপ করব । (শয্যার নিম্ন হইতে ছুরিকা বাহির করিয়া ) এই দেখ—

জগ । (ছুরিকা দেখিয়া সভয়ে) অ্যা একি ! ও বাবা ! এ ছুরি কোথা পেলি ? আমাকে খুন করবি না কি ! পলাই বাবা ! (পলাইতে পলাইতে উচ্চৈঃস্বরে) ওরে তোর মনে কি এই ছিল রে !—(বেগে বাহিরে পলায়ন )

সর । (ছুরিকা উত্তোলন করিয়া) আর না—ওরে পাপ-হৃদয় ! এইবার তুমি বিদীর্ণ হও । হে ভগবান ! জন্মে জন্মে যেন তোমার চরণে আমার মতি থাকে । আর যেন কোন জন্মে অধর্ম্ম পথে আমার মন না যায় । আমি মহাপাতকী আমি বিশ্বাসঘাতকী । পাপিনী হয়ে আমার আর বাঁচতে সাধ নাই, তাই নাথ ! এই বালিকা বয়েসে এই অসময়ে আমি প্রাণ ত্যাগ কর্তে উদ্যত হয়েছি । আমার সকল অপরাধ ক্ষমা কর । (ক্রন্দন করিতে করিতে) কিন্তু নাথ ! এই করো—যেন পুনরায় আমার নারীজন্ম না হয়—

( বন্ধঃস্থলে ছুরিকা প্রবেশ করাইয়া ভূমিতে পতন )  
 স্নাঃ ! আর যাতনা নয় না—( আর্তনাদ করিতে  
 করিতে ) ওরে প্রাণ ! শীর্ণির বের হ—আর আমি  
 পারিনে, আমি যে অনেক সহ করিচি—আর কথা  
 কহিতে পারিনে—এখন আমার কাছে যদি কেও  
 থাক ত শোনো—আর যেন কেও বৃদ্ধ হয়েসে বালি-  
 কার পানিগ্রহণ না করে । উঃ ! বড় তৃষ্ণা—আঃ—

( ক্রমে অবসন্ন ও প্রাণত্যাগ । )

( সভয়ে শনৈঃ শনৈঃ জগন্নাথের পুনঃ প্রবেশ । )  
 জগ । ( রক্ত দেখিয়া সভয়ে ) ইস্ !! একি ! ভয়ানক !  
 আমি কোথা যাব ! ও বাবা !—( অনেকক্ষণ উর্দ্ধ  
 নয়নে অচৈতন্য প্রায় অবস্থিতির পর ) হায় ! হায় !  
 একি হলো, আমার সরলা কোথা গেল ! ( ক্রন্দন )  
 ওরে সরলা তোমার মনে কি এই ছেল ! যাবি যদি ত  
 এমনি করেই কি যেতে হয় ? তুই স্বামী বলে এক-  
 বাব মনেও কল্পিনে, তুই কি নিষ্ঠুর ! ( সরলার  
 নিকটে উপবেশন করিয়া ) হায় হায় একি হলো !  
 আর যে নিশ্বাস পড়ে না, সরলা ! তুই এই যে এত  
 কথা কচ্ছিলি, তোমার মুখে যে আর কথা নেই, তোমার  
 সোণার অঙ্গ যে ধূলোয় গড়াগড়ি যাচ্ছে, একবার  
 ওট, আমার সঙ্গে কথা ক । ( ক্ষণকাল চিন্তা করিয়া )  
 আমি কচ্ছি কি অঁ্যা ? ওকে আর চুঁই কেন ? ও যে  
 নষ্ট, পরপুরুষে আসক্ত, ও বেঁচে থেকে পাপ-



দেহ ভার বহন কর্তো, তা না হয়ে প্রাণত্যাগ করে  
সকল পাপ চুকিয়ে দিলে । ( চিন্তা করিয়া ) এটা ত  
মলো, এখন আমি কি করি ?—এ ছুরি গলায় দিয়ে  
কি ওরই সঙ্গে মরে থাকব ? না, আত্মহত্যা মহা-  
পাপ । কি হবে, বৃদ্ধবয়সে এত গ্রেহও আমার  
কপালে ছিল । কি করি ?—সকাল হলেই ত  
আমাকে ধরবে, ধরে বণবে তুই মেরে ফেলিচিস্ ।  
সকাল না হতে হতেই আমি পালাই । কোথায়  
পালাব ? কাশীতে ? হাঁ তাই ভাল, কাশীতে সন্ন্যাসী  
হইগে । উঃ এ মেয়েটার কি সাহস ! একেবারে  
আত্মহত্যা কল্পে, কিছুমাত্র আতঙ্ক হলো না মনে !  
আর স্ত্রীজাতির স্বভাবই বা কি বিচিত্র ! দেবতা-  
রাও এদের স্বভাবের ভিতর প্রবেশ কর্তে পারে  
না—এ যে আমাদের একটা কি আছে—“ অন্ধে  
স্থিতাপি যুবতী পরিশঙ্কনীয়া ” এ যে তাই দেখিচি ।  
আর না, আর দেরি করব না, এই সব পড়ে রইল  
আমি পালাই । হে ভগবান্ ! এত দুঃখ এই বৃদ্ধ  
বয়সে আমার কপালেও লিখেছিলে !

( দীর্ঘনিশ্বাস )

নেপথ্যে । হেই—হেই—হেই—

জগ । ( সভয়ে ) ও বাবা ! পাহারাওয়াল আম্চে যে । তবে  
এই বেলা চাবি দিয়ে বেরিয়ে পড়ি । ছুটে যাওয়া  
হবে না, তা হলেই ত বেটারা সন্দ করবে ধরবে ।

হাঁ হাঁ আলোটাও নিবিয়ে যেতে হবে । ( আলো  
নিবাইয়া ঘরে চাবিবন্ধ করিয়া বাহিরে অবস্থিতি । )

( পাহারাওয়ালার প্রবেশ । )

পাহা । কি গো বামুন ঠাকুর ! এত রাত্তিরে এত বিক্ষিপ্তে  
আপুনি কোথা যাচ্ছ মুশয় ?

জগ । আর বাপু ! সে কথা আর কেন জিগোস কর ?  
পোড়া পেটের দারে সব কতে হয় । ঐ মুড়িপুকুবেব  
ধারে ঘোষেদের—

পাহা । ও সেই সদগোপ বাবু ?

জগ । হ্যাঁ—হ্যাঁ, সেই তাদের ছোট কর্তার বড় বৌকে  
একটা গোকুরো সাপে কামড়েচে, তাই আমাকে  
খবর দে পাটিয়েছে, আমি তাকে আবার ঝাড়াতে  
যাচ্ছি । সকালবেলা গেলে পাচে সে মরে যায়  
তাই বাপু ! কর্ণভোগ করে রাতারাতিই যাচ্ছি ।  
তা আমি যাই বাপু তুমি দাঁড়াও—

পাহা । তা ঘরে চাবি দিয়ে যাচ্ছ কেন ? আপনার জর  
ঘরে নাই ?

জগ । ( স্বগত ) এঃ এ বেটা বিপদে ফেললে দেখছি ।  
( প্রকাশ্যে ) না বাবা, সে তার বাপের বাড়ী গেচে,  
তার ন খুড়োর মেজো বৌএর কাদা তাই তাকে  
নিয়ে গেচে । তবে আমি যাই—

পাহা । তার বাপের বাড়ী কোথা মুশয় ?

জগ। ঐ কি বলে ভাল—বেলমুড়ীর একটু দক্ষিণে । বাপু !  
 আমি আর দাঁড়াতে পারিনে, আমি যাই ।  
 পাহা । আচ্ছা আপনি যাও ।

[ জগন্নাথের প্রশ্নান ।

( স্বর্গত ) আজ বাসনের জরুরী বাজী থাকলে বড়  
 ভাল হতো ।—

[ পাহারাওয়ালার প্রশ্নান ।

# অষ্টম অঙ্ক ।

## প্রথম গর্তাঙ্ক ।

( বিন্দুর গৃহ )

বিন্দু আসীনা ।

বিন্দু । ( স্বগত ) কর্তা কি তবে কিরে এলেন নাকি ?—

( সারীর প্রবেশ । )

( সারীর প্রতি ) দেখে এলি ?—কে বল্ দেখি ?

সারী । না, ও কে একটা ব্যাগ ছাতা ষাড়ে করে ঢুকল । ও  
আমাদের বাবু কেন হতে গ্যাল ?

বিন্দু । আমি কিনা জান্না থেকে দেখ্‌লুম, তাই ভাল ঠাও-  
রাতে পাল্লুম্ না, তাই তোকে দেখে আস্তে বল্লুম্ ।  
তা বেশ হয়েছে ।

সারী । ও যেটা ঢুক্‌লো, আমি যে ওকে জিগ্যেস্ কল্লুম্, তুমি  
কে বটে ? সে বলে আমি টেক্সের বিলসরকার ।

বিন্দু । তা বেশ হয়েছে যাক্ । একবার চ দেখি কলঘরে যাই,  
ভাল করে সাবান মাকিরে গায়ের ময়লা টয়লা গুলো  
উটিরে দিবি । ( নেগণ্যে দেখিয়া ) একটু দাঁড়া  
নাশিনী আস্‌চে বুঝি—

## ( নাপ্তিনীর প্রবেশ । )

নাপ । কি গো দিঠাক্কণ ! কামাবে টামাবে ?

বিন্দু । ( চিনিতে না পারিবার ছলে ) কেরে ?—

নাপ । এখন চিন্তে পারবে কেন ? বড় মাসুকের মাপ  
হয়েচ । যাকু ওসব, এখন কামাবে ?—

বিন্দু । ওঃ তুই ? আমি বলি আর কে বুকি । তা তুই দাঁড়িয়ে  
রইলি যে ? ঐ গুণটা টেনে নিয়ে বোস্ না ।—

নাপ । বস্বো কি—আমার ঘরে ঢের কাজ, তবে  
তোমার গুণে একটু মসি, তোমার কথা কি ঠেলতে  
পারি বোস্ ? তুমি আমাকে যে আশ্রয়িতা যত্ন কর ।  
( উপবেশন ) ।

বিন্দু । কেন এত ব্যস্ত কেন ? বাড়ীতে কি কাকোয় বসিয়ে  
রেখে এইচিস্ ?

নাপ । আমি নিজেই বসে গেচি । তা অপরকে বনাব  
কি ?—কৈ তোমার মতুন বৌ কৈ ?

বিন্দু । তার বাপের বাড়ী গেচে, আবার আস্বে ।

নাপ । তাকে কামাতে গেলে যোড়া টাকা নোবো, হ্যাঁ এর  
কমে হবে না ।

বিন্দু । আচ্ছা সে আস্বে আস্বে ।—

নাপ । আচ্ছা আস্বে—তুমি কামাবে ত এস ।

বিন্দু । কামাব কি—তুই আস্তার জল দিয়ে বড় ফিকে  
করে ফেলিস্, এত জল দিস্ কেন না ?

নাপ । আমার জল দেওয়া অভ্যাস বোন ! আলতার কি—  
 এমন যৌবন তাতেই জল দে বসে আছি । হঃ  
 দিঠাক্কণ ! তুমি আমার আলতার নিন্দে কর ?  
 আমার আলতার গুণ জাননালো ধনি ।  
 মনের মতন নাগর পেলে খড়ি পেতে আনি ॥  
 যে পুরুষ থাকে সদা পরনারীর বশে ।  
 এনে দিতে পারি তাকে নিজ নারীর পাশে ॥  
 আমার আলতার গুণ আর হীরে মালিনীর কুলের  
 গুণ দুই সমান দিঠাক্কণ !

বিন্দু । বাঃ ! তুই খুব মেয়েমানুষ ত !

নাপ । আমি মেয়ে হয়ে কত পুরুষকে নাকানি চোপানি  
 খাইয়ে দিতে পারি । তা কি কামাবে ?

বিন্দু । কামাব বৈকি । তোর মতন নাপ্তিনী আর কোথায়  
 পাব বল ? তা যাচ্ছি দাঁড়া না, তোর সেই বঁধুর  
 গানটা একবার গা—

নাপ । সে আজ নয়, আর একদিন হবে, আজ বেলা নাই ।

বিন্দু । আমার মাথা খাস্ ।—

নাপ । আহা ওকি দিঠাক্কণ ! এমন কথা কি বস্তুতে  
 আছে ? তা গাইচি গাইচি—

রসের নাপ্তিনী আমি, সদা ভাসি রঙ্গ রসে ।  
 যুবতীদের আলতা পরাই,  
 যুবকগণকে বশ করাই,

আমার আলতার খোলতা দেখে,  
লোভে ভ্রমর উড়ে বসে ॥

কেমন হয়েছে ত ? এখন চল ।

সারী । তুমি কি এমন কাজে ব্যস্ত বাপু, যে একটু বসতে  
পার না ?

নাপ । আরে আমি একলা, ঘরের সব কাজ কর্ম আছে, এ  
সওয়ার আবার আলতা পরাণ আছে।—হ্যাঁগা  
ভাল মনে—তোমাদের বাসু কোথা গা ?

বিন্দু । কে জানে বোন্ ! কোন বাবুর বিয়ে দিতে গেছেন ।

সারী । কালি বাবুর ।

নাপ । তা বিয়ে দিতে গেছেন কোথায় ?

বিন্দু । কে জানে বাপু, কি পাইতাল না মাইতাল—সেই  
খানে গেছেন ।

নাপ । হ্যাঁ ভাল মনে—আমার দক্ষিণেটা কবে হবে ?

বিন্দু । হবে এক দিন ।

নাপ । ( হাস্ত করিয়া ) কি, দক্ষিণ পাড়ার না গেলে বুঝি  
আর দক্ষিণেটা দিচ্চ না ?

বিন্দু । না না এই দুই এক দিনের মধ্যেই দোবো ।

নাপ । বলি এস না গো, আর বেলা নেই, স্থিতি যে পাটে  
বসে ।

বিন্দু । আচ্ছা চ কলঘরের কাছে যাই, সেই খানেই কামাব ।  
কামা আছে ত ?

না। আছে বৈকি । ভূমি যা চাইবে আমার কাছে তাই  
পাবে । এতক কোৎকা থেকে ইষের মূল পর্য্যন্ত ।  
নাও এখন ওঠ ।

বিন্দু । চল ।

[ সকলের প্রস্থান ।

### দ্বিতীয় গর্ভাক্ষ ।

( ব্রজেশ্বরের গৃহের পার্শ্বস্থ পুষ্পোদ্যান । )

ব্রজেশ্বর চিন্তায় মগ্ন ।

ব্রজ । ( কিয়ৎকণ পরে উদ্ধৃদৃষ্টে ) একি ! সন্ধ্যা হয় বে !  
মনটা দেখিচি অতিশয় ব্যাকুল হয়ে উঠল । এখন  
যেন চার দিক্ অন্ধকার দেখিচি—কিছু আর ভাল  
লাগে না । অন্ন, জল সমস্তই বিষাক্ত বোধ হয় ।  
নিদ্রা হলেও একটু ভাল থাকা যায়, তা আজ তিন  
দিবস চক্ষে ঘুম নাই । এই কুল বাগানটিকে এত  
ভাল বাসুতেম্, এখন এখানে এসেও সুস্থির হতে  
পাচ্চিনে । শরীরেও বল পাইনে । সারাদিন যেন  
হতাশ হয়ে পড়ে আছি । কেন এমন হলেম্ ? সেই  
আমার জীবনস্বরূপা সরলা আর নাই, তাই বলে  
নাকি ?—হাঁ তাই বটে । সে কি আমার জন্তে  
প্রাণত্যাগ কল্লে ?—তা নয় ত কি । আমিই ত সকল  
সর্বনাশের মূল । আহা ! সরলার কি চমৎকাব মুখশ্রী,



কেমন গায়ের রং ! আবার এদিকে কেমন কবিতা-শক্তি টুকু ছিল । আহা ! সেই সামান্য কুটার মধ্যে সেই পদ্মকুলটী ফুটে ছিল, ( আপন বক্ষে হস্ত দিয়া ) এই পাপিষ্ঠ, এই নরাধম সেইটীকে উৎপাটন কলে । আমি কতদূর পাপের ভাগী হলেম্ । যদিও আর কেউ জান্চেনা যে আমিই এর মূল, কিন্তু সেই অন্তর্ধামীত জান্চেন । আমার ঝাইরে এত সম্ভ্রম, আমার কিনা গোপনে এই কর্ম ! ( চিন্তা করিয়া ) কেন, আমি এত ভাবি কেন ? এতে আমার ত সম্পূর্ণ দোষ নাই । এ স্ত্রীহত্যার পাপ বাবার । কারণ কিনা, সে আমার কামিনীকে বাপের বাড়ী পাঠিয়ে না দিলে ত আর আমি সরলার কাছে যেতেম্ না, আর সেও এমন করে আত্মহত্যা কত্নো না । দেখেচ গুণ্ডটা আমার কথা না শুনে কতদূর পাপের ভাগীটা হলো । কত্নো কত্নো ফলাতে গেচেন্, এইবার কত্নো বেরিয়ে যাবে এখন । I have got strict principles. আমার মতে যদি আমি চলতে পারি, তা হলে কি আর কোন রকম অন্যান্য হতে পারে ? পরের মংলবে চলেই এই রকম হয়ে থাকে, যদি বল আমি সরলার কাছে গেলুম্ কেন ? তা এতে আর মন্দটা কি হলো ? মন্দ ভাবলেই মন্দ, আর ভাল ভাবলেই ভাল, For there is nothing good or bad, but thinking makes it so সেক্সপীয়ার বলে

গেচে, আর কেউ নয় । আহা ! মা আমার কোথায়  
 গেলেন ? তিনি যদি বেঁচে থাকতেন, তা হলে আমি  
 বারণ করলে কি তিনি আমার বৌকে বাপের বাড়ী  
 পাঠাতেন ? কখনই না । She was a perfect piece  
 of virtue. তিনি যাওয়া অবধি কত একবারে  
 বেলেল্লা গোচ হয়ে পড়েচে । ( চিন্তা করিয়া ) আহা  
 সরলা ও সামান্য নারী ছিল না ! যেমন দেখতে  
 ছিল, তেমনি তার গুণও অনেক ছিল । Oh ! that  
 paragon of beauty ! উঃ ! মন আমার অত্যন্ত  
 উচাটন হলো—

## গীত ।

রাগিণী পুরবী,—তাল একতাল ।

এ কিহে কুমুদবান !

ধরে বান বধিছ প্রাণ কি কারণে ?

উচাটন মানস মম হের না নয়নে ।

বিরহে বিরস হইল জীবন,

না হেরিয়ে প্রাণধন,

নিরাশ মনে হায় কাঁদিছে পরাণ ॥

সরোজিনী দুখী মনে, বিষাদিত বদনে,

নিমীলিত নয়নে,

মম মুখ চেয়ে, কাঁদিতেছে হায়,

তব শরে নাহি দেখি পরিত্রাণ ॥

যাই এখন, ভাবলে কি হবে—যা হবার তা হয়েছে,  
এখন একবার বাড়ীর ভিতরে যাই রাত হলো ।—

[ ধীরে ধীরে ত্রৈলোক্যের প্রস্থান ।

তৃতীয় গর্ভাক্ষ ।

( বিস্ময় ধরে সম্মুখবর্তী দালান )

( ত্রৈলোক্যের প্রবেশ ও স্থিরভাবে দণ্ডায়মান । )

মীত ।

রাগিণী বেহাগ, —তাল একতাল ।

নেপথ্যে । ———

মরি কি মোহন,  
মধু আগমনে, বীজন কাননে,  
গায় পিকগণে, জুড়ায় শ্রবণ ॥  
ভ্রমর গুঞ্জরে, কমল উপরে,  
স্বচ্ছ সরোবরে, মরাল বিহরে,  
পাদপ নিকরে, নানা ফুল ধরে,  
হায়রে কেমন ॥  
শশধর করে, মৃগ বধু চরে,  
মলয় সঞ্চরে, কাঁপে চরাচরে,  
ফুলশর শরে, জর জর করে,  
বিরহী জীবন ॥

ব্রজ । ( শ্রবণ করিয়া সত্রাসে ) একি ভয়ানক ব্যাপার ! মার  
 ঘরে গান গায় কে ? এ যেন তাঁর নিজেই গলা । কি  
 বিপদ ! গেরস্ত ঘরের মেয়েরা কি এমন গলা ছেড়ে  
 গান গেয়ে থাকে ! এঃ—তাইত, সকলেই যে ক্রমে  
 বেদাব হয়ে পড়ল দেখ্‌চি । বাড়ীর কত্তা জিনি তিনি  
 রইলেন বিদেশে পড়ে, তাঁর সংসার সামলায় কে ?  
 যদি বল আমি—আমি কোথায় লাগি । আর তিনি  
 এখানে থেকেই বা কি দেবে রাখতে পারেন ? তিনি  
 নিজেই আলগা । আর এ বল্লসে বিবাহ কল্লেই এই  
 রকম হয়ে থাকে । সংসার উচ্ছন্ন যাবার এই পূর্ক  
 লক্ষণ—( নেপথ্যে উচ্চ হাস্যধ্বনি শ্রবণ করিয়া )  
 একি অ্যা ! এ ঘরে কোন পুরুষমানুষ আছে নাকি !  
 হয়েছে—এখানেও সেই ব্যাপার । সে দিন  
 যে তুমুল ব্যাপার সেখানে, আজ সেই তুমুল  
 ব্যাপার এখানেও যে দেখতে পাই । “ যেখানে,  
 বাঘের ভয় সেই খানেই সঙ্কে হয় ” ( জানালায়  
 কণ পাতিয়া সত্রাসে ) আরে মলো ! এর  
 মধ্যে সেই গোমিশ ব্যাটার কথা শুনতে পাচ্ছি !  
 এঃ এই জন্তেই ব্যাটা এত ঘনিষ্ঠ হয়েছিল বটে !  
 ( সরোযে ) কি । এ সব কাণ্ড আমার সামনে  
 হবে, আর আমি দাঁড়িয়ে দেখব ? কখনই নয়  
 যাই বেটাচ্ছেলেকে কেটেই কেলব আজ । মরি কি  
 মরি আজ, প্রাণ থাকতে কখনই এসব দেখতে

পারব না। (উচ্চৈঃস্বরে) ষরে কে আছ শীগির  
দরজা খোল (স্বগত) তোমাকে মা বলতে আমার  
য়ুগা হচ্ছে। (প্রকাশ্যে) শীগির দরজা খোল আমি  
আর দাঁড়াতে পারিনে—

(ব্যস্তভাবে দালানে ভ্রমণ)

নেপথ্যে। কেন বাবা! এত রাত্তিরে কি দরকার বাবা?  
তোমার ঠেই ত চাবি আছে, যা দরকার হয় নাও-  
গেনা বাবা!—

ব্রজ। না আমার কোন জিনিস দরকার নাই, তুমি দোর  
খোল—শীগির—এখনও খুলে না? (সরোবে  
ঘারে পদাঘাত ও ঘারোদঘাটন হইয়া বিন্দুর গৃহ দৃশ্য-  
মান) এ ষরে হাঁসছেল কে? (সারীকে সম্মুখে  
দেখিয়া সকোপে) তুই মাগী কি কচ্চিস্ এখানে?

(বেগে সারীর পলায়ন)

বিন্দু। (কম্পিতস্বরে) বাবা! বল্ব কি, ও আমিই হাঁস-  
ছিলুম্, আমার কেমন একটা রোগ হরেচে বাবা!  
যে আমি ঘুমিয়ে ঘুমিয়ে মাঝে মাঝে হেঁসে উঠি।  
তা একটা দাক্তার টাক্তার ডাক বাবা! না হয়  
একটা কব্ৰেজ টব্ৰেজ ডাক, যে রসাসিকু কি  
বিজ্ঞতেল ব্যবস্থা করে।

ব্রজ। হুঁ—তার পর?—

বিন্দু। সত্যি বল্চি বাবা!

ব্রজ। হুঁ! তা এটা বোধ হলো যেন এক বেটা মাতাল

সাহেব হাঁসুছিল । তুমি ঠিক করে বল, তা নইলে  
ভাল হবেনা বল্টি ( চতুর্দিকে নিরীক্ষণ )

বিন্দু । ও মা একি পাগল ছেলে গা ! বাবা ! তোমাকে  
কি আমি মিছে কথা বলতে পারি ? তুমি আমার  
পেটের ছেলে বলেই হয়—

ব্রজ । হ্যাঁ তা হয়—

গোমি । ( খাটের নিম্ন হইতে বাহির হইয়া ) আরে লেড্‌কা  
এৎনা রাতমে টুমি কি গোল করচে ? বাবা খাম্‌না ।

ব্রজ । ( সরোষে ) Be quiet you fool ! I will knock  
down your brain !

গোমি । ( সদর্পে ) O you son of a bitch !

ব্রজ । ( বেগে গোমিশকে ধরিয়া ) Now who will  
save you ? তোর কোন বাবাকে ডাক্‌বি ডাক্‌ ।  
বেটা বাঘের ঘরে ঘোষণের বাসা !

( উভয়ের মারামারি )

বিন্দু । ( কপটভয়ে ) ও বাবা ! কোথা যাব গো ! এ কে আমার  
খাটের নিচে লুকিয়ে ছেল ! বাবা বেজ ! আমি কিছু  
জানিনে বাবা, তুমি ও গুহোর বেটাকে মেরে—

গোমি । কি বিণ্ডু ! টুমি হামারকে গালি ডিচ্ছে ? তোমাকে  
হামি আগে মেরে ফেল্‌ব ( ব্রজেন্দ্রের হস্ত ছাড়াইয়া,  
বিন্দুকে মারিতে উচ্ছত )

বিন্দু । ( সত্যে ক্রন্দন করিতে করিতে ) বাবা বেজ ! রক্ষা  
কর বাবা ! তোমার মাকে মেরে ফেলে বাবা । দেখ —

ব্রজ । ( স্বগত ) কীদ তুমি, তোমার কান্না শোনে কে ? এঃ  
বেটা ছোরা বার করেছে যে ! বেশ করেছে, ঠিক  
করেচে, ওকে কেটে ফেলুগ্ তারপর ওকে আমি  
দেখচি । ( ইত্যবসরে গোমিশের বিদ্বকে পুনঃ পুনঃ  
আঘাত ও উছাতে বিদ্বর যত্ন )

ব্রজ । ( গোমিশের হস্তচ্যুত ছুরিকা তুলিয়া লইয়া ) Now  
you rascal ! come with me.

( ছুরিকা দ্বারা গোমিশের বক্ষে আঘাত ও  
গোমিশের ভূমে পতন )

গোমি । ( আর্তস্বরে ) Am I doomed to death by a  
boy's hand inglorious ! হা ! নিস্তারিণী তুমি এখন  
কোথায় রৈলে ?——

( ক্রমে অবসন্ন ও যত্ন )

ব্রজ । ( স্বগত ) একি ! শেষ কালে কি বল্লে ? হা নিস্তারিণী,  
এর মানে কি ? ও কি তবে যথার্থ সাহেব নয় ? আর  
সাহেব যদি হবে, তা হলে মরবার সময় নিস্তারিণী  
বলে ডাকবে কেন ? তা হলেও হতে পারে । কারণ  
আজকালের ছেলেরা সাহেবিআনা খুব পছন্দ করে  
ও বেটা কিন্তু তা হলে বেমালুম্ কাটিয়ে গেছে !  
শৃগাল হয়ে অনেক দিন সিংহচৰ্ম্ম পরিধান করেছিল ।  
ওকে এর জন্মে ক্রেডিট্ দেওয়া যেতে পারে । সে  
যা হোক এখন আমি কি করি ? There is no other  
alternative but to commit suicide.

( বেগে নকরের প্রবেশ )

নফ । ( ব্যাগ ফেলিয়া ) বাবা ! ঐকি অঁগা !—

ব্রজ । এই দেখুন গোমিশ আপনার বেট ফেণ্ড, আর এই আপনার দ্বিতীয় পক্ষের স্ত্রী—সতী—এখন ওকে মা বলতে ঘণা হয় ।

নফ । ( বিস্ময়াপন্ন হইয়া ) এ রকমটা কি বাবা ! ( বিস্মকে ও গোমিশকে দেখিয়া সচকিতে ) ইষ্ ! ! এ যে কাটাকুটি ব্যাপার দেখ্চি ! এ কে কাটলে অঁগা !

( ভয় ও বিস্ময়ের সহিত ভূমিতে উপবেশন )

ব্রজ । গোমিশ আপনার স্ত্রীকে কেটে ফেলেচে, আর আমি গোমিশকে———উঃ ! আমার কি হলো, আমার মাতা ঘুরচে,—আমার গা কেমন কচ্ছে—আঃ——!

( ভূমি উপবেশন )

নফ । ( সভয়ে ) কি ! তুমি কেটে ফেলেচ ? বাবা কল্লি কি ! এখন এর উপায় ! তোমা বই যে আমার, আর কেউ নেই বাবা ! ( হতাশ হইয়া রোদন )

ব্রজ । সে যা হবার হবে । এখন আমার মাথা বড় ঘুরচে, আমি আর বসতে পারিনে, আমি চোকে অন্ধকার দেখ্চি——আমি আর কথা কইতে পারিনে—ও—বাবা——

( ভূমিতে শয়ন, ও ঘন ঘন নিশ্বাস পতন )

নফ । ( রোদন করিতে করিতে ) বাবা ! তোমার আদ্যব কি হলো বাবা ! ( উঠে.স্বরে ) ও রতন—ও রতন



ও—এ।——( এক্কেস্তের প্রতি ) চল বাবা আমরা  
এ বাড়ী ছেড়ে গালাই চল——

ব্রজ । আমি চারিদিক্ অন্ধকার—আমাকে ধর—আমার  
এই শেষ দশা——ঘুনিয়ে——আমি আর উঠতে—  
( মৌন ভাবে অবস্থিতি )

নফ । (রোদন করিতে করিতে) ওরে আমার কি হলোরে—  
আমার বেজর কি হলোরে ! ও বাবা ! ও বেজ !  
বাবা ! ওঠরে——আমার যে আর হাত পা এসে  
না বাবা ——আমি কদিক্ সাম্ভাব বাবা ! ( কিঞ্চিৎ  
ক্রন্দন সম্বরণ করিয়া ) কাকে ডাকি ? বাইরে থেকে  
রতনা বেটাকে ডেকে আনি ।

[ নফরের শীঘ্র প্রস্থান ]

ব্রজ । ( স্বগত ) আঃ আমার আর এ জীবনে কাজ কি ?  
আর এই পাপদেহ বহন করে কত দিন জীবিত  
থাকবো ? চার দিক্ শূন্য—অরণ্য প্রায় দেখছি । আর  
এক দণ্ড বাঁচতে ইচ্ছা নাই ( ছোরা লইয়া ) এই যে  
আমার মৃত্যুর অন্ত সম্মুখেই রয়েছে । (রোদন করত)  
আমি ত এখন চল্লম । হায় আমার কামিনীর দশা  
কি হবে ? হায় প্রিয়ে ! এই জন্মেই কি তোমায়  
মাথার সিঁদূর ওঠাতে বলেছিলেম্ ? তোমাকে এই  
বালিকা বয়সে বিধবা করে—অনাথিনী করে যাব  
বলেই কি বিবাহ করে ছিলেম্ ! আঃ আর সহ হয়  
না—এমন স্বর্ণপুরী সামান্ত বানর কর্তৃক নষ্ট হলো !

আহা কামিনী ! এত অনর্থপাত—তুমি এর বিস্ম  
 'বিসর্গও জানতে পাচ্চ না। কিন্তু এই কালনিশি  
 শেষ হলেই তুমি শ্রীভ্রষ্টা হবে। তোমায় সকলে  
 বিধবা বলবে। তুমি চন্দনতরু মনে করে যে বিষ-  
 রূক্ষ আশ্রয় করেছিলে তা কি তুমি জাননা ? কি  
 করি ? এ দেহ যদি স্বহস্তে বিনাশ না' করি, তবেত  
 অবমানিত হয়ে পরহস্তে প্রাণ দিতে হবে। সে আমি  
 কেমন করে সহ্য করব ? আমি এ মুখ আর জন-  
 সমাজে কেমন করে দেখাব ? তা পারব না। এই  
 রাত্রেই, এই দণ্ডেই প্রাণত্যাগ করব, এই আমার স্থির  
 সঙ্কল্প—( নেপথ্যে পদশব্দ শুনিয়ে ) আর না—  
 ঐ বাবা বোধ হয় আস্চে এই বেলা——( ছোরা  
 গলায় দিয়া যৃত্য )

নক । ( ভয় ও ব্যগ্রতার সহিত ) কৈ—কাকোয় যে দেখতে  
 পেলুম না—রত্নাবেটা বোধ হয় বাজেয় গেচে, বেটার  
 আর একটু দেরি সৈল না। (ব্রজেশ্বরকে যত দেখিয়ে)  
 একি ! অ্যা ! কি হলো, আমার বেজোর কি  
 হলো ! (ক্রন্দন করিতে করিতে) বাবা বেজ !  
 তুমি কেন এমন হলে বাবা ! তুমি কি দুঃখে গলায়  
 ছুরি দিলে বাবা ! ( নিকটে উপবেশন করিয়া ) দেখি  
 একবার নাকে হাত দিয়ে—একি ! নিশ্বাস নেই  
 যে ! ( বন্ধে করাবাত করিয়া ) হায় রে আমার কি  
 হলো, আমার বেজো কোথায় গেল, বাবা তোমায়

এত করে মানুষ কল্লেম্, তুমি যে আমার ডানহাত  
 বাবা ! বাবা ! তোমার কি এই বিবেচনা হসো বাবা,  
 যে বুড় বাপকে একবার জিগ্যেস কল্লেনা, অমনি  
 কোথায় পালিয়ে গেলে ? দয়া মায়া সব ভুলে গেলে ?  
 তুমি যে এই অন্ধের নয়ন, তুমি যে এই দুর্বলের বল  
 ছেলে বাবা ! আমার এত বিয়ারাম হলো আমি কেন  
 আগে গেলেম্ না ? তা হলে ত আর এ সব আমায়  
 দেখতে হয় না রে বাবা ! ওরে প্রাণ ! তুই আর  
 কার তরে রয়েচিস্, তুই শীগির বেরো আমি আর  
 বেঁচে থেকে কি করবো ?—( কিঞ্চিৎ ক্রন্দন সম্বরণ  
 করিয়া ) আমিই সকল সর্বনাশের মূল । আমি এই  
 বয়সে বিবাহ করে কত দূর পাপের ভাগী হলেম্  
 ( ক্রোধ ও ক্রিপ্রতার সহিত দণ্ডায়মান হইয়া ও  
 বিন্দুর মৃত দেহে পদাঘাত করিয়া ) রে পাপিয়সি !  
 রে দুষ্চারিণি ! তোর মনে কি এই ছিল ? তোকে  
 কি আমার কুলে কালি দেবার জন্তে বিবাহ করে-  
 ছিলেম ? তুই শপথ করে বল্ আমি তোকে ভাল  
 বাসতে ক্রটি করেছিলাম্ কি না । হায় হায় ! কি  
 অধর্মভোগ ! এই বৃদ্ধ বয়সে একটা ভ্রষ্টাকে এত দিন  
 এত প্রকারে স্নেহ মমতা করেছি ! তোকে পরম  
 সতী বলে আমার জ্ঞান ছিল । এখন আপন কর্মের  
 ফল ভোগ কর্, একটা শ্লেচ্ছর হাতে প্রাণ দিয়ে  
 নরকগামী হ । এই তোর পাপের প্রায়শ্চিত্ত ।

( কিঞ্চিৎ স্মৃতির হইয়া ) এখন সংসার আর অরণ্য  
আমার পক্ষে দুই সমান বোধ হইছে । কি আশ্চর্য্য যে  
আমার একমাত্র পুত্র, সে আমাকে এই ঘোর বিপদে  
ফেলে পলায়ন করিলে ! যে ভার্য্যাকে প্রাণ অপেক্ষাও  
ভাল বাস্তেম্ সেও আমার কাছে শঠতা প্রকাশ  
করিলে ! আর আমার বেঁচে স্মৃতি কি ? আর এই দেহ  
ভার কেন বহন করি ? আর যেন আমার মত  
কেও বৃদ্ধ বয়সে বিবাহ না করে । বৃদ্ধ বয়সে যুবতী  
ভার্য্যা—এখন আমার বেশ বোধ হইছে—আর বোধ  
হইছে কেন—সত্য সত্যই অসতী—সত্য সত্যই দুশ্চা-  
রিনী হয়ে থাকে । ওঃ কি অন্ধকার রাত্রির ! এই  
রাত্রিরে যদি আমি আত্মহত্যা করি, তা হলে ত  
আমায় কেও দেখতে পায় না । কিন্তু সেই অন্তর্ধামী  
দেখ্বেন্ । এ ক্ষণে এই নরকের আশ্রমে পুড়ে থাক  
হলেন্, আবার আত্মহত্যা করে কি পরক্ষণেও এই-  
রূপ নরক ভোগ করবো ? তা নয়—এই করা যাগ—  
আমি বলিগে আমার ছেলেকে আমি খুন করিচি,  
আমায় ফাঁসি দাও । ( উচ্চৈঃস্বরে ) ও পাহারাও-  
য়ালো ! ও সার্জন ! আমি এত গুল লোককে খুন  
করেছি, আমায় ধর, আমায় ফাঁসি দাও—

[ উন্মত্তভাবে নফরের বহির্গমন ]

যবনিকা পতন ।





---

শ্রীঅক্ষয়কুমার সেন দ্বারা প্রকাশিত ।  
[ ১১২ নং অপার চিৎপুর রোড,—কলিকাতা । ]

*A. K. Mitra*















